山庫全幸

史部

次足刀軍 全對 宣 欽定四庫全書 面再拜顧儒臣曰為善不可不勉孔子雖無位以其道 聖廟皇統元年二月戊子熙宗詣文宣王廟真祭北 志第十六 金史卷三十五 禮 元中書右丞 本國拜儀 相 祈武 總裁托克托等修 成王 些 廟 諸前代帝王

兼 生率倉場等官陪位於古禮未合也伏覩國家承平 宣聖像左右列之今孟子以燕服在後堂宣聖像側 地 久典 章文物當粲然備具以光萬世况京師為首善之 造茶食等物以大小楪 仲 可 尊使萬世髙仰如此大定十四年國子監言歲春秋 **兖國公親承聖教者也鄒國公功扶聖教者也當** 月上丁日釋真於文宣王用本監官房錢六十貫 P 四方之所觀仰 Ì 1 據釋奠器物 排 炭 設 用留守司樂以 Ъ 行禮次序合行下詳定 樂工為 Ę

次定四軍全書 一 遵 尊 儀數文宣王充國公劉國公每位遵豆各十議尊一 先儒每位各遵一豆一 祀籍轉疊俎豆席約用三十幅轉席用葉俎豆席 十四具尊皆有坛罍二洗二篚勺各二羅六正位并 豆各二百二十三簠簋各六俎六樣鳟三聚醇七爵 **簠簋各二组二祝版各一皆設案七十二賢二十** 全史 一一 一兩廳各設象尊二總 用

虚

位禮宜選孟子像於宣聖右與顏子相對改塑冠

飾法服一遵舊制禮官參酌唐開元禮定擬釋莫

粧

党牲 樂 三奏姑洗宫來寧之曲解曰上都隆化廟堂作新 爵洗官一中確官二禮直官十一學生以儒服 垂二千年斯文不墜涓辰維良爰修祀事沃盟于庭 充分獻官二讀祝官一太官令一捧祝官二公洗 格成儀具陳移移疑硫巍然聖具斯文伊始奉方 用 獻盥洗姑洗宮靜寧之曲辭 登歌大樂命一員本署官充樂工三十九人迎 用羊豕各三酒二十瓶禮行三獻以祭酒司業 日偉矣素王風散 神 陪 官 至 神 位

G

たこりョニナラ 傷出成祇循典禮充國公酌獻姑洗宮輯寧之曲解 於堯舜仰之彌鳥磨而不磷新廟告成官墻數切遣使 虔 登降有容奠幣姑洗宮和寧之曲 解曰天生聖人賢 步開里生民以來孰如夫子新祠歸然四方所 隆修明五常垂教無窮增崇儒官通追遺風嚴祀申 師之門顏惟居上其殆庶幾是宜配饗桓主衮衣有 祠斯文復振降陷姑洗宮安寧之由解曰禀靈尼丘 裡禮借升門南呂宮肅寧之曲 解曰魏乎聖師道全 色史 視

官來寧之曲解曰古蠲為舊孔惠孔時正解嘉言神之 德豈伊立言訓經王國煥我文明典祀千億送神姑 格思是饗是宜神保幸歸惟時肇祀太平極致承安二 年春丁章宗親祀以親王攝亞終獻皇族陪祀文武奉 咸寧之曲解曰於昭聖能與天止極有承其流皇仁 嚴儀象載之神祠增光吾賞劉國公酌獻姑洗官泰寧 而 一曲解日有周之衰王網既墜是生具儒宏才命世言 為經醇乎仁義力扶 聖功同垂萬祀亞終獻姑洗宮 帝

動完四月左書

卷三十五

禮 宣 同中祀用二月上戊七年完顏匡等言我朝創業功 麗澤門內其制一遵唐舊禮三獻官以四品官以下 武成王廟泰和六年詔建昭烈武成王廟于闕庭之右 矿 臣 聖顏孟各羊一豕一 宜 國以下皆封侯宣宗遷汴建廟會朝門內成祀如儀 釋真並遵唐儀 助奠上親為贊大舊封公者升為國公侯者為國侯 配祀於是以秦王宗翰同子房配武成王而降管 , 餘同小祀共用羊八無豕其諸

政定四車全書

:

農於亳州軒轅於坊州少昊於兖州顓頊於開州高车 女口 臣遼王賽音等其祭武成王宗翰子房各羊一豕 而 歸德府陶唐於平陽府虞舜夏禹成湯於河中府周 前代帝王三年一祭於仲春之月祭伏犧於陳州 制春秋上戊之祭仍舊 用羊八無豕宣宗遷汴於會朝門内閱庭之右管廟 下降立於無又照王猛慕容恪等二十餘人而增 以下又躋楚王宗雄宗望宗弼等侍武成王坐韓 神 金 信

į

宜 文 特赫天興言方嶽之神各有所主有國所賴請 垂 元 禮祭帝嚳堯舜禹湯文武漢祖 祝版請御署開寶禮 世立教之君唐宋致祭皆御署而今降祝版不署恐 署参知政事即康及致以為三皇五帝禹湯文武旨 至於前古帝王寥落杏茫列于中祀亦已厚矣不 下二十七帝不署平章政事錢左丞匡太常傳士温 軒額項帝學陶唐女媧成湯文武請御署自漢鳥 王武王於京北府泰和三年尚書省奏太常寺言開 御署固 袓

欠足り順とい

金史

期 長 副各一 ,封與國靈應王即其山北地 崇議封爵建廟宇十二月禮部太常學士院奏奉 封冊儀物冠九旒 禮未盡不者止從外路祭社稷及釋真文宣王例 白山大定十二年有司言長白山在興王之地禮 祝版而命學士院定撰祝文頒各處為常制勒命依 祝版而不請署 員指會軍府行禮官散齊二日致齊 服九章王圭玉冊孟香幣冊 建廟宇十五年三月 日 祀 遣 奏 合

銀月

四月石雪

巻

J.

欠已引車戶 實 爰作神主肆予沖人紹休聖緒四海之内名山大川 ż 者天實作之對越神休必以祀事故肇基王迹有若 司於廟中陳設 陽望秋山川於稽虞典厥惟長白載我金德仰止其高 道列聖蕃行熾昌迄于太祖神 若曰自兩儀 惟我舊却之鎮混同流光源所從出秩秩幽幽 從物等視一品儀禮用三獻祭如嶽鎮其冊文云皇 如儀廟 、剖判山嶽神秀各鍾于其分野國將 門外設玉冊衮冕幄次牙杖 武徵應無敵于天 有 旗 歧 賟 相

廟 行 月 命兹山之神為與國應靈王仍 位 每歲降香命有司春秋二仲 於公侯之上不足以 備衮冕玉冊儀物上御大安殿用黃塵立仗八百 食之享且萬億年維金之禎 仗五百人復冊為 成秋矧王紫所因瞻 11. 11. 11. 封 山陵地大房山神為保陵公見八旅服上章 開天弘聖帝 柳馬今遣其官某持節備 被早樣可儉其禮服章時號 擇 與山無極豈不偉數 勅 日致 有司歲時奉祀於 大房山大 定二 祭 明昌四年 幼 自 冊 洮

是加切血血血 保 有秩序皆載祀典别兹大房禮可關數其爵號服章便 云皇帝岩曰古之建邦設都必有名山大川以為形 冊香幣便副持節行禮並如冊長白山之儀其冊文 所出萬民之所瞻祖宗陵寢於是馬依仰惟截鎮古 于侯伯之上無足以稱今遣其官其備物 雅著為命是後遣使山陵行禮畢山陵官以一 陵公申勅 國 既定鼎於燕西顧如圻魏然大房秀拔混厚雲雨 有司歲時奉祀其封城之內禁無得樵 和命神 Ł 獻 為

致奠 金少口 茀 神 馬 江 成四 為 苑 徑渡 栭 其冊文云告我太祖武元皇帝受天明命掃遼季荒 江神之幼靈至止上都議所以尊崇之典蓋古者 黿 與國應聖公致祭如長白山儀冊禮如保陵公 師以出至于大江浩浩洪流不舟而齊雖楊滿 月孟夏朕時邁舊邦臨 梁光武濟 混同江大定二十五年有司言昔太祖征遼 江 神 助順靈應的著宜修祠宇加賜封爵題 河 栭 水冰白今 巷 江永數仰藝祖之開 觀之無足言矣執 徐 策

欽定四庫全書 京護 出 赦 視三公四清視諸侯至有唐以來遂享帝王之尊稱 食於無窮豈不休哉 矣 聖公申命有司歲時奉祀於嚴嚴廟貌正封爵禮亦 非 昭 直後世彌文而崇德報功理亦有當然者別兹 惟神具衍靈長之徳用輔我國家彌億年神亦享廟 於長白經營帝鄉實相與運非錫以上公之號則 答神休今遣其官其持節備物冊命神為與國應 國林神為護國嘉陰侯義冕七施服五章主同 嘉陰侯大定二十五年動 食史 封 江 無 源

啮 令 言 而 潔 春 天邑廣袤百里惟神土之廟貌有嚴侯封是享歆時 主遣使指廟以三獻禮祭告其祝文日蔚 陽武上埽黃河神聖后廟宜依唐仲春祭五龍祠 特封安平侯建廟二十七年奉旨每歲委本縣長官 秋 民田乞官為封冊神 相 致祭如 厥 廬 滋祭是後遇月七日上京幕官一員行香著 溝 河神大定十九年有司言盧溝 命 昭應順濟聖后大定十七年都水監 號禮官以祀典所不載難 彼長林實 河水勢泛 之已 決 為 壯 鼺

次足习長公告 ~ 屰 珊 代 *F*L. 鎮安公舊名旺國崖太祖代遼當駐雖於此大定八 曰 安流乞加褒贈上從其請特 事二十七年春正月尚書省言鄭州河陰縣聖后廟前 軒皇之世神靈所奉者七千虞氏之時望秋每及於 月更名靜寧山後建廟明昌六年八月以冕服玉冊 靈德善利之廟每成委本縣長官春秋致祭 山神為鎮安公冊文曰皇帝若曰古之名山成在祀 河水為患属禱有應當加封號廟額今因禱祈河遂 金史 加號 曰昭應順齊聖后廟 如命

萬 锡名洪惟世宗功昭列聖亦越顯考德利生民爰即 固 冊 而 高明 猶 至于截鎮之外亦或封爵之加故太白有神應之 載盖惟有盖於國是以必報其功建乎後王申以微 物所 終南有廣惠之號禮由義起事與時倍載籍所傳 布氣函費乎坤元導風出雲協符乎乾造一方之表 監朕修和有夏咸秋無之眷兹靜寧秀峙朔野組 **報宮斯真昔有遼當恃以富國远大定更為之** 瞻南直都畿北維障徼連延廣厚寶藏攸與盤 桐

産り

Ę

Ĵċ

タラー

欠三月頁 生 事顏先皇帝駐蹕之地揮累世承平之風迅續遺休式 運 歲時奉祀於戲客典焜燿精明感通惟永億年翊我昌 具舉今遣使某副某持節備物冊命神為鎮安公仍 此 時駕言臨幸兵革不試遠人輯寧雨賜常調品彙蕃庶 甄 於此世宗受此山勢行氣清故命章宗名之後更名 神其受職豈不偉數 神 上帝無疆之即亦英靈有相之符比即與情載修故 佑肆象德以界號仍班台而闡儀字像 E p-全史 瑞 聖公即瑪達格山也章宗 新采章

吉品 達 為 瑚 中口 合符山川百神無不受職粹精薦瑞明聖繼生著不應 删 中原之氣廓除氣侵函毓泰 文 圖 在即高明而清暑克静壽以安仁周廬安寧厚澤 殊積啓昌期於幽贊裒對信猶之典咸修望秩之 瑞 乃名山莫兹勝地 日皇帝若日國家之與命歷依屬天地元化 聖公建廟命撫州有司春秋二仲 哩巴山建廟明昌四年八月以冕服玉冊封山 下綿乾分上直樞 朴口 仰惟光烈昭垂藏音 輝 擇日致祭為常 盤析 木之津 惟 時 神

金月四月石書

惠

ヤスノリー ハナラ 卣 爰 福 使 服 神 治 采 飾 獻 **县副某持節備物冊命神為瑞聖公仍勅** 居不屋非所以盡報功崇德之義副追始樂原之心 言念誕彌之初度抑由翊 朕祇循祖武順講時巡風美號以興懷佩聖謨而 祀於戲尚其聰明敢此誠意孚休惟永亦莫不寧 ンス 名稱載新祠宇勒忱解於貞琰涓良日於元龜 郡王廟 辨成潔脫縣而致祭聞楊茂實數繹多儀今遣 明昌五年 金史 正月陳言者謂頁唱古紳二賢 衛之効靈然猶祀秋無章 有司歲時 介 彰

事 諸 省 有古命再議之禮官言前代無創製文字入孔子廟 刨 立 源 郡 員與本干户春秋致祭所用諸物從宜給之 廟于熟屋例官為立廟于上京納爾琿莊委本路官 置女直文字乞各封贈名爵建立祠廟令女直漢 如於廟後或左右置祠令諸儒就拜亦無害也尚 生随拜孔子之後拜之有司謂頁噜難以致祭若 貞獻王古紳 若如此恐不副 則 既 國家厚功臣之意遂部令依蒼 以配享太廟矣亦難特立廟 書 頡 金 敌 b

多方四月在書

卷三十五

欽定四車全書 稷 十七年夏六月京畿久雨遵祈雨儀命諸寺觀啓道 座實樽壘如常儀其樽罍用飘齊擇甘瓠去抵以為 鎮 市禁屠殺 祀 海漬 定州長貳官充亞終獻又卜日於都門北 版 又上日祈宗廟不雨 禁大定四年五月不雨命 惟 五岳宗廟社 有司行事禮 斷 織扇造土龍以祈 稷御 用 酒脯 仍從雅鎮海瀆如初 署餘則否後十日 醯後七 日不 禮部尚書王競 雨足 則 報 雨 祀送龍水 不雨 郊望祀 祈其設 **祈太社** 祈雨北教 13 嶽

食 華至褥位皇太子以下百官皆指稱位宣微贊拜皇帝 天所重五日質明陳設畢百官班侯於毬場樂亭南 祈 如 五 舟 於鞠場中元於內殿重九於都城外其制 物 天金因遼舊俗以重五中元重九日行拜天之禮 禱 · 礼乘輦宣藏使前導自建場南門入至拜天臺降 其中聚宗族拜之若至尊則於常武殿築臺為 狀亦為質畫雲鶴文為架高五六尺置盤其上薦 东 刳木為盤 重

戶三切馬·白馬 尊早序各以帕識其枝去地約數寸削具皮而白之先 尚 其青處及中而不能斷與不能中者為負每射必代鼓 再 再拜百官陪拜引皇太子以下先出旨如前導引皇 以手接而馳去者為上斷而不能接去者次之或 之凡重五日拜天禮畢挿柳毬場為兩行當射者以 回輦至幄次更衣行射柳擊毯之戲亦遼俗也金因 拜上香又再拜排食拋盡畢又再拜飲福酒跪飲果 人馳馬前導後馳馬以無羽橫鉄箭射之既 全史 齜

木 習 止 其 レス 雙 端 揺 國 蹺 為 網 助 捷 肘岩舞 囊者為勝或日雨端 拜儀金之 勝 桓 其氣已而擊毯各乘所常習馬持鞠杖 如 也 毬狀 置 偃月分其衆為兩隊共爭擊 坂板 既畢賜宴歲以為常 蹈狀 11-下開 如奉以輕 拜制 凡跪 先袖手微俯身稍復 71 揺 為 韌 袖 對立二門互相 門 木枵 下拂膝上則至左右肩 而 力口 其中而 網 為囊能奪得 毬先於毬 却 排擊各以 朱之皆所 跪左膝 杖長數 鞠 埸 左 南

金厅口

月月清

Ŧ2.

女 くこうう 朝 言 狥 服 服 九 H 直漢人拜數可以 改也 則 拜 則用漢 拜 摇手而 四 從本朝 禮其來久矣乃便服之拜也可令公服 如此者四跪復以手按右膝單跪左膝而成禮 司空完顏襄日今諸 .. tj 曰稽首拜中至重臣拜君之禮也乞自今凡 拜岩便服 拜謂之禪 拜平章政事張萬公謂 則各用本俗之拜主事陳松日本 相 珠喇承安五年五月上 從者酌中議之禮官奏日周 人社髮皆從本朝之 拜禮各便所 諭 則 朝 有 習 制 拜 司 官 國 便

動力四扇石書 從本朝拜禮松言是也上乃命公裳則朝拜諸色人便 服則皆用本朝拜 金史卷三十五 卷三十五

欽定四庫

全書史部

金史卷三十六至

許松官國子監然酒日影羅言書 內閣中書上李彤獲勘

校野官學録日常 題校官 舉人日章雅桓 謄録 監 生日張彭於 稨

次とりもたんとう The state of the s 《良馬九隊隊九疋別為 中朔諸路官民者老 里罕宗翰乃為陳耕 克托 臣下拜站樣 上壽儀

地社稷析津尹宗强告太廟十日帝服衮冕御元和殿 受尊號儀皇統元年正月二日太師宗幹率百僚上表 年九月六日皇弟安班貝勒 卽皇帝位已未告祀天 色并介胄弓矢矛劍奉上國號大金建元收國天會元 請上皇帝尊號凡三請詔九七日遣上京留守兵告天 宗幹率百僚恭奉冊禮冊文云云臣等謹奉玉興玉寶 地丙寅大赦改元 上尊號曰崇天體道欽明文武聖德皇帝是日皇帝改

金岁正是为世

たいりに 日本 官次于大安門外大樂令與協律郎前一日設宮縣干 次於大安殿門外及設皇太子幕次於殿東廊又設奉 罰文字百官習儀於大安殿庭兵部帥其獨設黃麾仗 服通天冠宴二品以上官及高麗夏國使十二日恭謝 前三日遣使奏告天地宗廟社稷前二日諸司停奏刑 祖廟還御宣和門大赦改元大定七年恭上皇帝尊號 冊實壇於大安殿中間又設御楊於壇上又設冊實幄 放大安殿門之內外宣擬院師儀鸞司於前一日設受 全史

書令讀蜜侍中以次應行事官並集於尚書省俟冊蜜 左右文武羣官並朝服入次攝太常柳與大樂令帥工 復舁實還所司其日質明奉冊太尉奉實司徒讀冊中 日俟文武奉官入奉八寶置于御座左右候上冊實記 殿庭又設登歌樂架子殿上立舞表于殿下符實郎其 興森馬奉迎冊實至應天門下馬由正門步導入至大 人入就位協律郎各就舉麾位舁冊齊案官由西偏門 安殿門外置冊賢於幄次昇冊實來等手人等分立於

多分四月百十

卷三十六

C 2.19 10 ACAT 服衮晃以出曲直中蓋侍衛警蹕如常儀殿上鳴鞭訖 蜜郎奉八蜜由西偏門分入升置殿上東西間相向記 先入置案於殿東西間褥位置記各退于西陷冊實位 分左右立於實後通事舎人引攝侍中版奏外辦扇合 文武百僚分左右入於殿階下磚道之東西相向立符 至殿西陷下冊實棒位之西東向立俟閣門報通事舎 後捧冊官捧實褥位冊匣官舁實盡官由西偏門先入 引攝传中放奏中嚴充典儀養者各就位問門官引

乾寧之曲出自東房即座儀使副添香爐煙升扇開簾 讀實侍中舉實官於實後以次從之由正門入官縣奏 幄次分引冊太常卿前導更部侍郎押冊而行奉冊太 捲協律郎偃麾憂歌樂止太常卿士通事舎人自冊賓 殿下亦鳴鞭初索扇惕律郎跪俛伕興舉麾工鼓柷奏 通事舎人二員分引寶禮部侍郎押寶而行奉野司徒 歸美楊功之曲太常卿於冊床前導至第一墀香案南 **尉讀冊中書令舉冊官於冊後以次從之次太常博士**

銀定四月全書

表三十六

大包四年公告 博士舎人退以俟初引時樂奏歸美揚功之曲至位文 籍實冊棒位上少置太常卿與舉冊實官退於冊實稍 **展**: 樂止閣門舎人分引東西兩班東官合班轉北向立中 官等又於其後皆東向太尉司徒中書合作中皆於冊 西東向立應博士舎人立於其後舁野蜜床弩手繳子 後面北以次立吏部侍郎禮部侍郎次立於其後立定 司徒中書合侍中吏部禮部侍郎以次各復本班記 少留班路供立定太常博士通事舎人四員分引太

博士通事舎人四員再引太尉司徒中書令侍中吏禮 定樂止典儀曰拜對者承傳太尉以下應在位官皆舞 部侍郎復進至冊實所稍南立定昇冊實床弩手繳子 蹈五拜班首出班起居訖又賛再拜如朝會常儀太常 書令舉冊官於冊後以次從之冊初行樂奏肅寧之曲 官並進前舉冊齊來與太常博士通事舎人二員分引 次通事舎人太常博士又二員分引蜜禮部侍郎押 冊太常卿前導更部侍郎押冊而行奉冊太尉讀冊中 Ľ 表三十六

人足可事公時 西陷下至冊實俸位少置冊内樂止昇冊實來努手微 而行奉實司徒讀實侍中舉實官於實後以次從之請 西立以侯舉冊官棒冊官立於其後奉冊太尉從升 分左右於前楹立以俟讀冊中書合於欄子外前楹稍 刪 耿 子官等退於後稍西東向立棒冊官與舁冊官並進前 先升奉冊太尉讀冊中書令舉冊官棒冊官於冊後 次從升冊初行樂奏肅寧之曲進至殿上博士舎人 冊 匣升太常博士通事舎人分引冊太常鄉側身

多夕口 某讀冊讀花俛伏興中書令供冊與先退通事舎人引 書令又次入棒冊官四員皆指笏雙跪棒舉冊官二員 官立於其後皆東向棒冊官先入舉冊官次入讀冊中 亦搢笏雨邊單跪對舉中書令執笏進跪稱中書今臣 棒位指笏少前跪置訖執笏使伏與樂止退於前梅 與棒冊官等取冊匣與置於殿東問棒位案上西向棒 西立以俟太常博士立於後太常卿少退東向立昇冊 自東階復本班記太常卿降復賢床前昇冊官並進 表三十六

こう 日日 ハー 奉冊太尉降自西階東向立以侯次棒寶官與舁寶官 舉冊官等降自東階還本班昇冊官亦退太常博士引 棒寶官立於其後奉寶司徒從升至将位指笏少前跪 立俟讀實侍中於欄子外前楹問稍西立以俟舉實官 寧之曲進至殿博士士舎人俱退不升並於前楹稍西 传中舉實官棒實官於實後以次從升實初行樂奏肅 俟讀冊中書令讀記出並進前取實盡升太常博士通 事舎人分引實太常卿側到導實先升奉實司徒讀實 金史

跪捧舉實官二員亦稱笏兩邊軍跪對舉侍中執笏進 事舎人引降自西階復本班記舁寶官進前與捧寶舉 舉實次入入讀實侍中又次入捧實官四員皆指易雙 置訖執笏俛伏與樂止司徒退於前楹西立以俟太常 舉實官等與太常鄉俱降自西階及吏部侍郎皆復本 實官等取實益與置於殿之西間棒位察上東向棒實 跪稱侍中臣某讀寶讀記俛伏與侍中俟實與先退通 卿少退東向立身實官立於其後皆東向捧實官先入

创好四周全書

表三十六

大三日草白馬 至階上博士舎人分引太尉降至東階初降宫縣作肅 太尉稱文武百僚具官臣等言致賀詞云云俛伏與退 皆再拜記博士舎人二員引太尉請東階升宫縣奏純 樂止閣門使揖替太尉拜跪賀殿下閣門揖百僚躬身 誠身上之由至階止問門使二員引太尉進至前立定 褥位立定博士舎人稍退典儀曰拜齊者承傳在位官 向立定博士舎人贊引太尉司徒進指第一輝香案南 班昇實官亦退太常博士引奉實司徒次奉冊太科東 全,史

寧之曲復香案南桥位立定縣止博士舍人少退典儀 間躬承肯退臨陷西向稱有制典儀曰拜賢者承傅太 稱萬歲又再拜竟通事舎人引攝侍中升自東階前 多为正元 尉司徒及在位奪官俱再拜躬身宣詞云云宣記通事 曰拜赘者承傅太尉司徒及在位羣官俱再拜舞蹈三 太尉司徒就百僚位初引宫縣作肅寧之由至位立定 奉官俱再拜舞蹈三稱萬歲又再拜記博士舎人分引 舎人引传中還位典儀曰拜賛者承傅陷上下應在 生産 位. 楹

とこの事と言 事舎人赞引請東上問門上進通事舎人分引文武百 **蹕如儀扇開樂止捧冊官帥异冊床人捧實官帥异實** 鼓机奏乾寧之曲降座入自東房還後問進膳侍衛警 畢免伏與引降還位扇合簾降物律即免伏與舉麾工 立定通事舎人引攝侍中升自東階當前楹問跪奏禮 樂止問門舎人分引應北面位奉官各分班東西相向 僚等以次出歸幕次賜食以俟上壽上冊寶禮畢有司 床人皆升殿取匣盤蓋訖置於床前引進司官前導通 金史

賛扇開殿上下鳴鞭 夏敌樂止儀使副等添香爐煙升 机宫縣奏乾寧之曲服通天冠絳紗袍即座簾捲內侍 中嚴少頃又奏外辦扇合鳴鞭協律部跪使伏興工鼓 殿陷下稍南東西相向立通事舎人先引攝侍中版奏 舎人引三師以下文武百僚親王宗室等分左右入至 樂命帥工人入并協律郎各就舉麾位俟舎人報通事 供辨御床及與宴羣官位並如曲宴儀攝太常卿與大 通事舎人引班首以下合班樂奏肅寧之曲至北向位

動力に

十六

替祗候復本班内侍局進御床人次良醖令於殿下横 八百百八十 東陷升初升官縣奏肅寧之曲殿上舎人少退二閣使 陷南酹酒花典儀曰拜賛者承傳在位官皆再拜随拜 伏跪奏稱禮部尚書臣其言請九羣臣上壽晚代與躬 **升至殿上少立閣門舎人引禮部尚書出班前北向便** 身通事舎人引攝侍中少退舎人替禮部尚書再拜記 重行立定中間少留班路通士舎人引攝作中指東階 三稱萬歲花平立太常博士通事舎人分引攝上公由

播笏受虧指榻前跪進受虧記上公執祭授宣檄使記 內外同慶問門舎人贅宣諭記上公與百僚皆舞蹈五 再拜隨拜三稱萬歲說躬身宣曰得公等壽酒與公等 西向稱有制典儀曰拜發者承傳上公及在位奉官皆 躬身通事舎人揖攝侍中進背前楹間躬承旨退臨陷 揖上公進至進酒稱位樂止宣藏使以爵校上公上公 二閣使揖上公入欄子內養拜跪殿下閣門揖百僚皆 **訖問門舍人引百僚分班東西序北向立博士舎人**

多好四月在書

養二十六

大いりりん 寧之曲閣門舎人分引東西兩班隨上公俱復北向位 舉酒官縣奏景命萬年之曲飲乾樂止上公進受虚爲 止上公将笏宣藏使授上公縣上公指欄子內褥位跪 歲記平立殿上通事舎人揖攝侍中進指前楹間躬 立 **舁御床出博士舎人並進前分引降自東階宫縣奏肅** 再引上公自東陷计宫縣奏肅寧之曲至進酒禄位樂 復稱位以爵授宣徽使充二閣使掛上公退內侍局 定樂止典儀曰拜替者承傳在位官皆再拜三稱萬

肯退臨陷西向閣門官先揖百僚躬身侍中稱有旨典 **訖樂止執事者行羣官酒宫縣作肅寧之曲文舞入觞** 南寧之曲百僚至殿上坐後立樂止內侍局進御床入 蹈又再拜記太常博士通事舎人引王公以下合赴宴 等升般典儀曰拜赘者承傳在位官皆再 拜託縉笏舞 儀曰拜贅者承傳在位官皆 再拜記躬身宣曰廷王公 羣官分左右计殿不與宴羣官分左右捲班出官縣奏 依尋常宴會再進第一虧酒登歌奏聖徳昭明之曲飲 卷三十六

Ľ

される 縣奏庸軍之由食果樂止問門官分揖侍宴奉官起文 大定功之舞三成止出又進第二虧酒登歌奏天替克 武舞入傷行一周縣止尚食局進食執事者設奉官食 之曲鶴行一周樂止尚食局進食執事者設羣官食官 齡之曲飲能樂止執事者行羣官酒官縣作肅寧之曲 奏慶雲之曲飲花樂止執事者行奉官酒宫縣作肅寧 宫縣奏萬國來同之舞三成止出又進第三虧酒登歌 周樂止尚食局進食執事者設學官食官縣奏保 /11/1

引攝传中版奏解嚴所司承旨放仗在位羣官皆再拜 還後閣侍衛如來儀內侍費扇開憂致樂止通事舎人 即免伏跪舉麾興工鼓机奏乾寧之曲降座入自東房 再拜訖再分班東西序立扇合簾降殿上下鳴鞭協律 内侍局舁御床出宫縣作肅寧之曲至北向位立定祭 臣某言禮畢免伏與閣門舎人分引羣官俱降東西階 於席後通事舎人引攝侍中指桐前晚伏與跪奏侍中 銀牙四月子書 一典儀曰拜贅者承傳在位官皆再拜芘猾笏舞蹈

欠包可奉公告 以次出 起居各復侍立位舎人引皇太子并臣僚使客合班入 置於宋皇太子退復存位轉盤與執事者出笏二閣使 **元日聖誕上壽儀皇帝陛御座鳴鞭報時畢殿前班小** 皇帝陛下與天同休若聖節則云萬春令節謹卜 皆再拜引皇太子升殿褥位将笏捧盘盤進酒皇帝受 至丹墀舞蹈五拜平立閣使奏諸道表自皇太子以下 齊揖入欄子內拜跪致詞云元正啓祚品物咸新恭惟 金史

伏願皇帝陛下萬歲萬歲萬萬歲祝畢拜與復禄位同 皇太子受虚益退立棒位轉盤與執事者出笏左下殿 等內外同慶詞畢舞蹈五拜齊立皇太子搢笏執盤臣 樂止合班在位臣僚皆再拜分引與宴官上殿次引宋 僚分班教坊奏樂皇帝舉酒殿上下侍立臣僚皆再拜 履新上壽與鄉等內外同處聖節則曰得鄉壽酒與鄉 下羣係皆再拜宣徽使稱有制在位皆再拜宣答曰 從至丹墀再拜不出班奏聖躬萬福再拜喝有動

交包写車台書 從人再拜坐食入七盞由將終揖從人立再拜畢引出 坐宴侍立臣皆再拜進酒官接盛還位坐宴官再拜復 從如上儀畢分引左右廊立御果床入進酒皇帝飲則 賜酒食有再拜各祗候平立引左廊立次引高麗夏 舞蹈五拜各祗候分引出 開的時揖臣使起再拜下殿果床出至丹嫁合班謝宴 揖臣使并從人立誦口號畢坐宴侍立官皆再拜坐次 坐行酒傳宣立飲說再拜坐次從人再拜坐三蓋致語 大定六年 正月上御大安

尊屬視五品總麻祖免以上視六品上合以此制為班 金りな 代制以朔日六日十一日十五日二十一日二十六日 朝參常朝儀天眷二年五月詳定常朝及朔望儀准前 親雖無官爵封邑若與宴當有班次禮官言按唐典皇 家周親視三品大功親小功尊屬視四品小功親總麻 上侍坐者有定員為常制十七年韶以皇族祖免以 殿受皇太子以下百官及外 國使賀賜宴文武五品以

大戶可車全 為六參日後又定制以朔望日為朝參餘日為常朝 努手傘子先於殿門外東西向排立俟奏聖躬萬福時 宣機問門祗候先兩拜班首少離位奏聖躬萬福兩拜 千傘子直於殿門外分兩面排立司辰入殿報時畢皇 即就位北面山呼解塔起居畢即相向對立擎御傘 朔望朝參日百官卯時至幕次皇帝辰刻視朝供御梦 兩傍面南立宿衛官自都點檢至左右親衛祗應官自 御殿坐鳴鞭問門報班齊執擎儀物內侍分降殿階 全中

赞班首名以下再拜 乾班首少雜位奏聖躬萬福歸位 左右衛將軍之北少前脩起居東西對立於殿欄子內 再拜畢先退次引文武百僚班首以下應合朝參官并 相向立左右衛在殿下東西相向立閣門乃引親王班 立左班内侍上都點檢以次陞殿副點檢在少南東西 拜又再拜畢領省宰執陞殿奏事殿中侍御史對立於 府運六品以上官皆左入至丹墀之東西向鞠躬畢問 通唱復引至丹墀閣門赞班首名以下起居舞蹈

金叉口

後定制師傅起居畢御察始東入置定棒案內侍東西 封授主實侯奏事畢進封記內侍徹察若常朝則親王 副階下餘退右出初帝就坐置實匣於殿階上東南角 二年五月命臺臣定朝參禮五品以上官職趨朝朝 稍前起居畢復位再拜宰執升殿餘官分班退 班退引七品以上職事官分左右班入丹墀再拜班首 及當監印郎中各一員監當手分令史用印記主實吏 分下侍殿隅直日主蜜捧寶當殿叩欄奏封全符寶郎

欠已日本 白野

金史

盂

金月口月月十 内 司都事有須合取奏事乃聽入宫七品以上 檢法各於本局待官員朝退赴局簽押文字不得於宫 史記注院等官職雖不係五品亦赴朝參更員詔則 赴六品以下止於本司局治事如左右司員外郎侍御 七品以上職事官告赴其餘朝日五品以上職事官得 入局治事則展皂自來朝參除殿前班外若遇朔望自 署押七品以下流外職遇朝日亦不合入官如左右 職事并七品以上散官皆赴朝冬吏員令譯史通事 一職事宫如

之二可見 公言 一般院令随班入見凡班首遇朝祭有故不赴以次押班 遇使客朝群見日依朔望日昏赴若元日聖節拜詔東 撰起居注殿中侍御史補闕拾遺赴召或假一月以 與州鎮官随班入見非軍民一體之意上是其言責宣 皆赴凡親王宗室已命官者年十六以上皆隨班赴起 駕出獵送迎詣祖廟焼飯但有職事并七品以下散官 凡五品以上及侍御史尚書諸司郎中太常丞翰林修 居大定五年右諫議大夫伊喇子敬言明安祿見不得

鷄鷄 天門領赦十一年制同前期宣藏院使率其獨陳設應 肆赦儀大定七年正月十 謝 若除官出使之類皆通班入見解謝除官於殿門外 安殿門外稍東南向閣門使設棒制書箱案於御座之 左少府監設雞竿於樓下之左竿上置大盤盤中置金 門之内外設御座于應天門上又更御衣御幄於大 班皆舞蹈七拜辭班四拜門見謝辭並再拜 口 唧 絳幡幡上金書大赦天下四字卷而卿之 日上尊冊禮畢十四日 應

銀牙四屆 全重

東 文武百官位於樓下東西相向又設典儀位於門下稍 御史臺大興府以囚徒集於左仗外御史臺閣門司設 中臺以努手四人對舉大樂署設官縣於樓下又設鼓 31 備四伎人攀緣又設捧制書木鶴仙人一以紅繩貫之 四面近邊安四大鐵銀盘底四面近邊縣四大朱索以 於官縣之左稍北東向兵部立黃麾仗於門外刑部 西向宣徽院設承受制書案於畫臺之前又設皇太 うんくこ 以轆轤置於御前欄子上又沒捧鶴畫臺於樓下正 宜史

臺鷄唱生於東闕樓之上尚衣局備皇帝常服如常日 幄俛伏興皇帝降輅入幄廉降少頃侍中奏中嚴又少 乘金輅入應天門至幄次前侍中俛伏跪奏請降輅入 書省委所司設制書位於百官班之北稍東西向司天 頃俟典赞儀引皇太子就門下侍立位通事舎人引奉 視朝之服尚輦設輦於更衣御幄之前躬謝禮畢皇帝 於百官班前又設協律即位於樓上前楹稍東西向尚

多克匹库全書

7

巻三十六

子侍立褥位於門下稍東南向又設皇太子致賀棒位

機扇開執御繳者張於軒前以障日樂止東上問門使 輦進輦侍中奏請升輦繳扇侍衛如常儀由左翔龍門 官就門下分班相向立侍中奏外辨皇帝服常朝服尚 こうう 班 人通事舎人引文武學官合班北向立宫縣樂作儿 棒制書置於箱閣門舎人二員從以俟引繩降木鶴仙 作所司索扇板十 踏道升應天門至御座東侍中奏請降輦升座官縣樂 合班則樂作立定即止與儀曰再拜在位官皆再狂 1. 1.1 扇合皇帝臨軒即御座樓下鳴鞭策 金史

銀坑四月全書 **訖分班相向立侍中指御座前承肯退稍前南向宣曰** 典儀曰拜在位官皆再拜記以制書授尚書省長官稍 員舉案又二員對捧制書閣使引至班前西向稱有制 制書循繩而下至畫臺閣使奉承置於案閣門舎人 通事舎人引文武羣官合班北向立樓上乘鶴仙人捧 人四人緣絕争上罕取鷄所街絳幡展示記三呼萬歲 金鷄退復位金鷄初立大樂署擊畝樹記皷止竿木伎 奏的樹金鷄通事舎人於門下稍前東向宣曰奉動樹 il. 卷三十

出笏俛伏興退復位右司官捧制書詣宣制位都事對 前播笏跪受訖以付右司官右司官将笏跪受訖長官 子以下羣官皆再拜典儀引皇太子稍前晚伏跪致詞 拜典赞儀引皇太子至班前禄位立定典儀曰拜皇太 南北向躬稱脫柳訖三呼萬歲以罪人過右司官宣制 捧右司官宣讀至成赦除之所司即獄吏引罪人指班 以付其屬歸本班典儀曰拜在位官皆再拜舞蹈又再 范西向以制書授刑部官跪受訖以制書加於笏上退 111 住户

蹈 位典儀曰再拜皇太子以下羣官皆再拜将笏舞蹈又 **俛伏興典儀回再拜皇太子以下羣官皆再拜拇笏舞** 樓下鳴鞭皇帝乘輦還內繼扇侍衛如常儀侍中奏解 退復位所司索扇官縣樂作扇合簾降皇帝降座樂止 官分班相向立侍中詣御座前俛伏跪奏禮畢俛伏與 再拜記典替儀引皇太子至門下褥位通事舎人引奉 曰再拜皇太子以下羣官皆再拜侍中宣答宣訖歸侍 又再拜侍中於御座前承旨退臨軒宣曰有制典儀

銀定匹库全書

卷三十六

於察前又於東側設卓子自皇太子宰臣以下序班定 臣下拜放韶儀宣赦日於應天門外設香客及設香興 嚴通事舎人承勘羣臣各還次將士各還本所 乾復位皆再拜問門官取敢書授尚書省都事都事跪 受及尚書省令史二人齊捧同升於卓子讀在位官旨 向稱有動發皇太子率臣百僚再拜皇太子少前上香 閣門官於箱內捧放書出門置於案閣門官案東立南

欠已日年心時

跪聽讀說救書置於案都事復位皇太子宰臣百僚以

皆上馬後從鳴鉦皷作樂導至公廳從正門入所差官 官請香興前上香乾所差官上馬在香興後長官以下 書省差官送赦書到京府節鎮先遣人報長官即率係 下馬執事者先設案并望關褥位於庭中香興置於案 官即於道側下馬所差官亦下馬取放書置終與中長 屬吏從備旗幟音樂終與香案指五里外迎見送放書 萬歲記退其降褚書禮亦准此惟不稱萬歲其外郡尚 下再拜猾笏舞蹈執笏俛伏興再拜拱衛直以下三稱

重好口

・ノ・イシュ 官以下再拜舞蹈免伏與再拜公吏以下三稱萬歲禮 畢明日長官本係屬音樂送至郭外 以下皆再拜長官少前上香花退復位又再拜所差官 南所差官取赦書置於案終與退所差官稱有勒長官 書同高几上宣讀在位官皆跪聽讀記都目等便位長 取放書授都目都目跪受及孔目官二員三人齊棒救 前又設所差官存位在案之側又設单子於案之東 1.16 金史

ARL MARKET	TANKET IN SECTION AND ADDRESS OF THE PERSON AN	-	No. of Contract of	-			W. 43
金					İ		一 一 一 一 一 一 一 一 一 一 一 一 一 一 一 一 一 一 一
金史卷三十六							库全
=+							書
六							1
							表
							卷三十六
							_
						 	_

1 1. 1 DIE /1. 1. 1. 前 欽定四庫全書 冊皇后儀天德二年十月九日冊妃圖克坦氏為皇后 志第十 金史卷三十七 日儀鸞司設座勤政殿南向設羣臣次於朝堂大 禮十 中書 皇太子正旦生日 受賀儀冊皇后儀 冊皇太后儀 相見儀 右丞 金史 相 總裁托克托等修 皇太子與百官冊皇太子儀

多写口屋石量 樂令展宫縣於殿庭設協律郎舉麾位於樂縣西北東 冊實幄次二於殿後東廂俱南向其日諸衛勒所部略 於殿門外之東又設冊使副受命位於百官班前又設 班位之東北賢者二人在南少却俱西向設冊使副 向閤門設百官班位於庭並如常朝儀又設典儀位於 令協律郎樂工典儀赞者各入就位羣官等依時刻集 黃魔細仗於庭符實的奉八 冊禮部侍郎奉寶匣皆置於床記出就門外班大樂 起ニナセ 八寶置於左右吏部侍郎

シーンのあんしま 立於東偏門西向門下侍郎引主節奏節立於殿下東 朝堂俱就次各服朝服侍中約刻板奏請中嚴通事舍 作皇帝服通天冠絲紗袍出自東房曲直華蓋警蹕你 節南侍中門下侍郎的舉棒寶官奉寶來立於冊床之 南俱西面侍中版奏外辦殿上索扇協律郎舉歷宫縣 廊横街北中書令中書侍郎帥舉棒冊官奉冊床立於 人引羣官入就庭東西相向立以北為上又引冊使副 如常儀即座南向坐養捲縣止通事舎人引冊使副

攝 承制 侍郎舉捧官依舊西面立羣臣合班横行儿面如常 拜侍中還班門下侍郎引主節指冊使所主節以節 者皆再拜班首問起居又再拜閣門官引攝侍中出班 之儀立定典儀曰再拜費者承傳班首以下羣官在位 入宫縣作使副就受命位侍中中書合門下侍郎中 侍中宣制 侍郎門下侍郎執節西向授太尉太尉受付主節 降前便副東北西向稱有制使副稍前鞠躬再拜 日命公等持節授后冊實宣制記又俱

金片

Ľ

屋有量

Ł

大き日華 とき 與太尉太尉皆捧受冊床置於北寶床置於南侍中中 引冊床門下侍郎引實床立於冊使東北西向以次授 讀實官次之與舁官各分左右通事舎人引冊使隨之 棒舉舁冊實床者進冊床先行讀冊官次之實床次行 拜費者承傳羣官在位者皆再拜記分班東西相向立 書令禮儀使舉捧冊實官及舁床者退於東西塼道之 左右相向立門下侍郎中書侍郎退還班位典儀曰再 主節立於使副之左右門下侍郎退還班位中書侍 金史

鱼写口 鼓吹振作禮儀使舉捧官執節者并撞舁人以冊寶 徒本品革車鹵簿於門外至殿門左右排列俟使副出 出俟太尉司徒復命禮畢還內先是有司預設太尉司 作降座入自東房樂止通事舍人引羣官在位者以次 侍中出班升殿奏侍中臣言禮畢殿上索扇簾降宫縣 以行持節者前導太尉初行宮縣樂作出殿門樂止攝 駐於泰和門太尉司徒及讀冊寶官暫歸幕次內侍問 月月十十 入泰和殿俟至殿下位鼓吹止有司預供張泰和 卷三十七 大八日月日時 婦次於殿之左右大樂命設宫縣於庭協律郎設舉摩 黃麾細仗有司設二步障於殿之西陷簾前設扇左右 右稍北又設受冊位於殿庭西階之南東向又設內命 各十紅微 位於殿上又設冊實次於門下外設行事官次於門 前北向又設宣徽使位於北府南向司赞設內外 又設外命婦次於門之內其日諸衛於殿門外略 設皇后座於展前殿上垂簾又設東西房於座之左 在西階欄子外又設舉冊寶案位於使 金史

婦以下陪列位於殿庭磚道之左右每等重行異位儿 宣徽使奏外辨內侍問門官引后出後問宫縣作羅捧 舉捧冊實官立於冊實床左右讀冊實官各立於其後 在北寶在南使副立於床後禮儀使師持節者立於前 使奏中嚴冊使副入門宮縣作俟冊使庭中立樂止冊 服來龍飾肩與至泰和殿後閣近仗導衛如常儀宣微 南少退俱西向質明執事官太樂令等各就位皇后常 向内命婦在後又設司贊位於東階東南贊者二人在

垂灯

四個石潭

大巴回尾公司 皇后降自西階左右步障繳扇從至階下望勤政殿 官率撞具人奉冊實以次進於前官縣作冊實亦自東 寶問門使內侍費再拜冊使少退中書令侍中及舉 陷升並置於殿之前楹間冊床在北寶床在南中留讀 赞再拜冊使宣曰制遣太尉臣某司徒臣某恭授后 閣所在立縣止冊使進立於右宣曰有制閣門使内侍 冊實官立位並去怕及蓋檯昇人執之退立於西孫殿 舉檯官分左右相向立讀冊暫官各立於床之東西向 金史 御 冊

<u></u> 銀月 於 侍引后自西陷升殿宫縣作繳扇止於簾外退於左右 追表近侍接入進讀說退初冊使退及門樂止閣門 西偏門皷吹止冊使副至御問所在俛伏跪奏太尉 付問門官隨冊使行冊使副至門皷吹振作如來儀 立内侍内侍以授后受訖以付右立内侍内侍持表立 **某司徒臣某奉制授冊實禮畢俺伏與退持表閣門** 右閣門使赞再拜花冊使退官縣作特表內侍以 既定樂止間門使內侍赞再拜捧謝表官以表授左 Ľ A 往量 卷三十七 内 官 表 臣

りの日日 から 立定合班北向間門費再拜拜花降東階退出殿門 書令指冊床南立北向稱中書令臣某謹讀冊讀異降 床在西置記舉捧官以次降附立於中書合行中之後 招擾舁人持帕蓋覆匣床奉置殿之左右冊床在東寶 **杂殿前歩障止於階下卷之后於座前南向立樂止中** 西向内侍閣門引升座官縣作坐定樂止舉捧官以次 北向稱侍中臣某謹讀實讀軍降階立於中書令之北 自東陷立於欄外第一墀上西向次侍中請實床南立 金史

撞舁人置冊實床於東西記各由杂殿下階於侍中等 班首初行宫縣作至位縣止閣門曰再拜命婦皆再拜 跪奏禮畢問門引內外命婦陪列者以次進就北向位 班後直出殿門以俟復入撞舁入宫受冊表謝訖內侍 好的西北東向稱有教旨命婦等皆拜閣門使宣曰祇 躬致稱賀芘降自西階樂作至位樂止閣門曰再拜合 門引班首自西階升樂作至階樂止進當座前北向 承傳命婦等皆再拜問門使前承令降自西階指 表ニナセ 命

多月四月至書

作出門樂止內侍引外命婦出次宣徽使奏稱禮果降 再拜命婦皆再拜花內侍引內命婦還宮班首初行樂 奉聖恩授以冊實荣幸之至兢属增深所賀知舍人曰 史定四車色馬 座宫縣作入東房樂止歸閣宫縣作至閣樂止更常服 命婦降階横班北向舍人日再拜訖以次入還宮如來 内侍承教旨宣外命婦入會並如常儀會果問門引外 儀中書門下侍郎復以引進司師擾异人進冊實入內 付與都照檢司退別日會羣官會如主宗室等賜酒

官皇后既受冊越二日內侍設座於所御殿南向其日 向宣徽使引后進升自西階北面再拜進跪致謝詞存 既降車宣徽使版奏外辦太后常服宣徽使引升座南 衛如常儀入立於西廂東向将至宣徽使版奏請中 西陷以出侍衛如常儀至太后之裏門外降車障扇侍 迎宣徽使版奏外辦后首飾禕衣御車內侍前導降自 **凤興宣徽使版奏中嚴質明諸侍衛官人俱詣寢殿奉** 食簪花教坊作樂如内宴之儀十一日朝永壽永寧雨 ノジロヨグラー 於奔奉寶司徒等俱以寶置於察皆盛以匣覆以帕請 赴受冊殿入御幄侍衛如式次奉冊太尉等俱以冊 差軍兵并文武百官指兩官迎請引導皇太后入內並 以開其日實明有司各具繳扇侍衛如儀及兵部約量 奉冊皇太后儀天德二年正月詔有司擇日奉冊唐殷 使引降自西階以出出門宣徽使奏禮畢降座入官 撫賜酒食並如家人之儀禮罪宣徽使費再拜訖宣徽 國妃歧國太妃仍别建官名合行典禮禮官檢詳條具 金史

舎人喝起居班依常朝例起居七拜花引文武百僚 事舍人引文武百僚班左入依品重行西向立定通事 皇太后出自後幄並即御座南向扇開樂止分述 帝常服來與至別殿後幄次通事舍人引宣繳使版奏 中嚴復位少項又奏外辦幄廉捲教坊樂作扇合兩宫 別殿門外幄次教坊提點率教坊入侍衛官各就列皇 分東西相向立通事舍人太常博士贊引太常卿前導 冊官押冊而行奉冊太尉讀冊中書令舉冊官等以 退 右 班 通

金牙口

月量

デ・ノ ううこ ノニ・ 官夾侍奉冊太尉各衙笏北向跪免伏興退立讀冊中 等從之進至兩官太后座前褥位樂止兩官冊實來 少東北向於稱位少置樂止冊北實南通事舍人太常 官等以次從之俱自正門入教坊樂作至殿庭西陷下 次從之次押實官押實而行奉實司徒讀實侍中舉實 書令俱進向冊前跪奏稱攝中書令具官臣某謹讀冊 博士費引太常鄉前導押冊官押冊升樂作奉冊太尉 冊官單雖舉中書令各語笏讀記執笏免伏與指笏 金史

釗丘 於御座前褥位冊之南通事舍人太常博士贊引太尉 笏免伏與指笏捧寶典於位東迴寶西北向並 進跪置 跪俛伏興退立讀寶侍中俱進當實前跪奏稱攝侍中 具官臣某謹讀實舉實官單跪對侍中各指笏讀訖執 后座前褥位樂止舉實官夾侍奉寶司徒各播笏北向 棒冊與於位東迴冊函北向並進跪置於御座前褥位 押實官押實升樂作奉實司徒等從之進至兩官皇太 中書令舉冊官俱降還位奉冊太尉並降階東向以俟

四月全書

17.10 10 Klass 皇太后前行稱賀之禮俛伏與費引皇帝再拜又奏請 司徒以次應行事官俱降自西階復本班序立宣徽使 侍衛如來儀應階下文武百僚重行立定通事舍人喝 云云皇帝再拜宣徽使前引皇帝歸帳常服乘興還內 **乾又奏請皇帝少立內侍承旨退西向稱兩宫太后旨** 北向跪皇帝賀曰嗣皇帝臣某言云云使伏典又再拜 員指皇帝御幄前免伏跪奏臣某謹請皇帝指兩官 在位皆再拜通事舍人引太師指西附升免伏跪奏 企史 **†**

針月四 赞謝宣諭拜在位官皆再拜舞蹈三稱萬歲又再拜通 再拜宣徽使升自東階取旨退臨階西向稱兩官皇太 事舍人分引應北向官各分班東西立宣徽使升自東 心推崇協力膺兹令典感愧良深宣記還位通事舍人 后旨通事舍人赞在位官皆再拜畢宣曰公等忠敬盡 位立定通事舎人赞在位官皆再拜舞蹈三稱萬歲义 稱文武百僚具官臣某等稽首言皇太后殿下顯對冊 儀永安帝養仰祈福壽與天同休俛伏興降自西階復

階奏稱具官臣等言禮畢降還位扇合皇太后並與教 武百僚指東上問門拜表賀皇帝退禮畢各赴本官受 坊樂作降座還殿後幄次扇開樂止通事舍人引宣徽 置於床記通事舍人引指東上閣門投進所司文武百 使奏解嚴中書侍郎等各的捧冊床官升殿跪捧冊並 内外命婦稱賀所司預於殿內設皇太后御座司賓引 僚以次出皇太后常服乘與各還本官引導如來儀文 置於床次門下侍郎等各帥棒寶床官升殿跪捧寶並

大气日节人号 一

金史

皇帝亦如賀皇太后之儀惟不致詞不宣答 多り口 禮感愧良深司贊曰再拜在位者皆再拜退赴别殿賀 立司赞曰再拜在位者皆再拜尚官乃宣答曰膺兹典 鴻名凡在照臨不勝欣扑與降階復位司贊曰再拜內 外命婦皆再拜尚宮承吉降自西階於命婦之北東向 跪賀稱妄某氏等言伏惟皇太后殿下天資聖善昭受 即座司費曰再拜命婦皆再拜司賓引班首請西陷升 内外命婦於殿庭北向依序立尚儀奏請皇太后常服

というらんさ 之東西郁又設冊寶幄次於殿後東廂俱南向又設受 冊位於殿庭橫階之南工部官與監造冊寶官公服自 東西向又設文武百僚應行事官東宮官等次於門外 子來與至朔龍門東官官導從不乘馬冊皇太子前三 製造所導引冊實床由宣華門入約宣徽院同進呈畢 司設御座於大安殿當中南向設皇太子次於門外之 日遣使同日奏告天地宗廟冊前一日宣徽院帥鸞儀 冊皇太子儀大定八年正月冊皇太子禮官擬奏皇太 於其後皇太子服達遊冠朱明衣出次執圭三師三少 次由大安殿東降至庭中棒位權置記奉引冊實官立 郎 尊從至左翔龍門外下馬各就次通事舍人分引百官 僚應行事官並朝服入次東宫官各朝服自東宮乗馬 其屬設黃麾仗於大安殿門之內外其日質明文武百 赴幄次安置大樂令帥其屬展樂縣於庭其日兵部帥 入立班東西相向次引侍中中書令門下侍郎中書侍 及捧舁冊實官詣殿後幄次前立少頃奉冊實出幄

金月四月百十

巴下導從立於門外传中奏中嚴符實郎奉八寶由東 西偏門分入升置御座之左右侍中奏外辦內侍承旨 皇太子再拜将主舞蹈又再拜奏聖躬萬福又再拜引 樂止師少已下從入立於皇太子位東南西向典儀費 索扇扇合皇帝服通天冠絳紗袍以出曲直華蓋侍衛 という時人時 扇開簾捲樂止與對儀引皇太子入門宫縣樂作至位 如常儀鳴鞭官縣樂作皇帝出自東序即御座爐煙升 近東西向立師少以下并奉引冊實官等各赴百官東 金史

诣 甧 皇大子跪讀畢侥伏與皇太子再拜中書令詣棒冊 制 僬 百 請 皇太子以下應在 官各還東西 王為皇太子又再拜 拜 引皇太子復受冊 # # 在 位 位官皆再拜 中書侍 班 ēП 師 位樂作 31 位官皆再拜 少い **将笏舞蹈又再拜起居又再拜** 删 通事舍人大常博士 理置於前捧 下并行事官各還立位典赞 至 位 樂 躬自侍中宣制 止侍中承旨 冊官西向 引中書令 跪 稱 日 捧 冊 位 耶 有

班樂作至位樂止通事食人引百官俱横

班北向典儀

万世

月十二

大記日に公言 門樂止侍中奏禮取内侍承古索扇扇合廉降鳴鞭樂 子退初行樂作左右庶子帥其屬舁冊實床人以出出 皇太子俛伏與右庶子以冊與置於床中書令以下退 與置於床侍中以下退復本班與儀對再拜畢引皇太 以授左庶子左庶子跪受皇太子俛伏與左庶子以寶 侍郎引寶盖立於其右侍中奉實授皇太子拇主跪受 復本班次通事舍人太常博士引侍中詣奉實位門下 奉冊授皇太子曆主跪受冊以授右庶子右庶子跪受 金史

金月口屋 次立於門外侍中奏中嚴少項又奏外辦皇帝出自東 序即座簾捲通事舍人引百官俱横班北向典儀贊拜 百官入至階下立班東西相向典儀引皇太子執主出 服皇太子公服至次改服遠遊冠朱明衣通事舍人引 於仁政殿門之內外陳設並如大安殿之儀百官服朝 服公服還東宫尊從如來儀冊後二日兵部設黃塵仗 侍中奏解嚴所司承旨放仗衛以次出皇太子入次改 作皇帝降座入自西序還後問侍衛如來儀扇開樂 白量

大艺马车在 如常儀 侍中奏解嚴放仗百官以次出復二日百官奉表稱賀 皇太子棒表入至拜表位立俟問門使将至單跪棒表 身侍中宣記典儀費再拜指主舞蹈又再拜引皇太子 再拜侯讀表畢侍中承旨退稱有制典儀皆再拜與躬 閤 在位官皆再拜将笏舞蹈又再拜起居又再拜花分班 退侍中奏禮畢扇合鳴鞭入西序還後閣侍衛如來儀 門使接表皇太子晚伏與典儀賛再拜指主舞蹈 金史 ŧ

太子先進酒軍百官望皇太子再拜班首跪進酒又再 親戚任從私禮自今若在東宫候皇太子便服則當從 降階見伯叔答羣官再拜之文又無妃主命婦見太子 之禮稽古令文應致恭之官相見或貴賤殊隔或長幼 私禮接見若三師以下遇皇太子誕日在御前則候皇 親王宗室賀皇太子依冊畢受賀禮然唐禮元正復有 王百官及妃主命婦見皇太子禮有司按唐宋舊儀擬 正旦生日皇太子受賀儀大定二年世宗命有司議親

金为巴尼

左 司將舉此禮伏望聖慈許臣答拜庶敦親親友受之義 十二月晦皇太子奏狀日按禮文親王并一品宗室皆 ・ノ・丁ミ ノニー 北面拜伏臣但答揖而已雖曰尊宗子而在長幼惇殺 拜若賜酒即當殿跪食畢又再拜以為定制命班行之 祝畢 就拜與復位再拜又再拜樓臺進酒退跪候飲取 上從其請命尚書省頒下所司若皇太子生日則公服 上露臺欄子外先再拜二閣使齊揖入欄子內拜跪 間誠所未安當時遞蒙頒降未獲謙讓明日元正有

臣入就庭下重行北向立典儀曰再拜在位官皆再拜 班首稍前跪奉元正首祚生日則云慶誕合辰伏惟皇 門外少詹事奏請內嚴义奏外備典儀引升座文武官 接益復位轉臺與執事者再拜宣徽使以酒進皇帝 亦跪飲畢各再拜羣官致賀則其日質明皆公服集於 殿稍東西向立皇妃等進勸生日酒皇太子跪皇妃等 欄子內跪指笏受賜物畢出笏與復位再拜退更衣入 賜酒接盛稍退跪飲畢宣徽使接盛復位再拜復揖

針定匹库全書

再拜皇太子答拜師少出皇太子就坐次引親王入欄 酒如上儀皇太子答拜畢就坐復引隨朝三師三公宰 拜坐受分東西序立次引東宫三師於殿上三少於殿 太子殿下福壽千秋賀畢復位典儀曰再拜宫臣皆再 奏進樂作飲訖樂止回勸師少畢各復位與儀贊師少 柱外北向東上立皇太子詣南向褥位典儀曰再拜師 少皆再拜班首同前稱賀復位執事者酌酒一巵班首 品宗室於欄子外餘宗室序班庭下拜致賀進

史空軍全書

·金 ·史 皇太子與百官相見儀三師三公欄子內北向躬揖班 跪奏禮畢自是歲賀為定制 儀曰再拜上下皆再拜乃答拜引羣官以次出少詹事 三師三公餘殿上羣官則令執事者以盤行酒飲畢與 再拜上下皆再拜畢班首少前致賀復位執事者酌 執於殿上三品以上職事官於露階上四品以下於庭 **厄班首奉進樂作飲果樂止如有進獻如常儀回勘** 北向每等重行以東為上立皇太子指褥位典儀曰 酒

金り口

ノニエ

欠の可見という 太子坐受太子太師太傅太保與隨朝三師同東宫三 子外向南躬揖皇太子起揖三品職事官露陷稍南躬 品職事官扣欄子北向躬揖答揖如前二品職事官欄 首稍前問候皇太子離位稍前正南立答揖宰執及 少與隨朝二品同詹事以下並在庭下面北每品重行 揖皇太子坐揖四品以下職事官庭下躬揖跪問侯皇 年所定也七年定制皇太子赴朝許與親王宰執相見 以東為上再拜稍前問候人再拜皇太子坐受大定二

弱定匹库全售 答拜退迎送皆同 止東宮三師相見九年定制凡皇太子出於都門三里 外設褥位三公室執以下公服重行立皇太子便服三 餘官宗室並迥避後亦許與樞密使副御史大夫判宗 公宰執以下鞠躬班首致辭云青宫萬福再拜皇太子 金史卷 三十七 卷三十七

大三日事という 殿其餘臣僚分班出閣門使奏使者八見勝子先引宋 居畢至侍立位引臣僚左右入丹堀小起居引宰執 外國使入見儀皇帝即御座鳴鞭報時畢殿前班小起 欽定四庫全書 金史卷三十 志第十九 禮十 元中 書右 丞相總裁托克托等修 朝辭徒外國使 入見儀 金史 斯定夏使儀見儀 曲宴儀

書者單跪授書拜起立閣使左上露陷右入欄内奏封 使副出笏捧書左入至丹墀北向立閣使左下接書棒 全轉讀畢引使副左上露階齊揖 副傍折通班再引至丹墀北嚮立禮物右入左聖躬萬 少前拜跪附奏畢拜起復位立待宣問宋皇帝時並 再拜揖使副鞠躬使出班謝面天顏復位舞蹈五 引使副左下至丹墀北嚮立禮物右入左出盡揖 躬受動旨再揖鞠躬使少前拜跪奏畢起復位齊退 入欄內揖使副鞠躬

白き

スコフラ シュー 禮 拜跪奏畢拜起復位齊退却引左下至丹墀面殿立定 高麗王時並鞠躬受動旨畢再揖橫使鞠躬正使少前 使鞠躬正使少前拜跪附奏畢拜起復位立閣使宣問 復位舞蹈五拜各祗候引右出賜衣次引乐人從入通 魔使左八至丹墀北嚮略立引使左上露陷立定揖橫 名已下再拜不出班又再拜各祗候亦引右出次引 物右入左出盡揖使傍折通班畢引至丹墀通一 揮使副鞠躬使出班謝遠差接伴兼賜湯縣諸物等 金史

殿祗候分引預宴官上殿其餘臣僚右出次引来使從 候平立次引高麗更使並至丹墀三使並鞠躬有動賜 立位引臣僚並使客左入傍折通班至丹墀舞蹈五拜 陷立次再引采使副左入至丹墀謝思舞蹈五拜各祇 不出班奏聖躬萬福义再拜出班謝宴舞蹈五拜各上 曲宴儀皇帝即御座鳴鞭報時畢殿前班小起居到侍 酒食舞蹈五拜各祗使引右出次引宰執下殿禮畢 七拜各祗候平立引左階立次引夏使見如上儀引右

對好匹厚全書

elalored liter 鼓笛府揖臣使并人從立口號絕坐宴并侍立官並再 立飲果再拜坐次從人再拜坐至四盤餅茶入致語聞 廊立果床入進酒皇帝舉酒時上下侍立官並再拜接 使起果床出皇帝起入閣臣使下殿歸幕次賜花人從 拜坐次從人再拜坐食入五益歇宴教坊謝思畢揖臣 盛果候進酒官到位當坐者再拜坐即行臣使酒傳宣 酒食又再拜引左廊立次引高麗夏從人入分引左右 人入至丹墀再拜不出班奏聖躬萬福又再拜有初賜

臣僚分班出閣使奏辭榜子先引夏使左入 立位引臣僚合班入至丹墀小起居引宰執上報其餘 朝解機皇帝即御座鳴鞭報時畢殿前班小起居至侍 出 臣使起再拜下殿果床出至丹墀謝宴舞蹈五拜分 臣使起再拜下殿果床出至丹墀朝宴舞蹈五拜分引 隨出戴花畢先引人從入左右那立次引臣使入左右 再拜坐九盛将曲終揖從人至位再拜引出開曲時 传折通班 揖

下金牙四月

白重

枧 副 こうし 出 班 躬 畢 至丹墀再拜不出班奏聖躬萬福又再拜揖使副 復位揖使副齊鞠躬受傳達畢齊退引左下至升 左上露陷疼揖入欄内 :高麗使如上儀亦引右出次引宋使副左入傍折 **笏拜起謝恩舞蹈五拜有刺賜酒食舞蹈五拜引** 開物再拜明衣馬畢平身将笏單跪受别錄物過 使出班戀闕致詞復位又再拜唱各好去引右出次 畢至丹墀依上通六拜各祗候平立閣使賜衣馬鞠 1. 1. 全之 揖 鞠躬大使少前拜跪受書 虚

之禮凡入見則宋使先禮畢夏使入禮畢而高麗使入 數止從常朝起居三國使班品如舊俟殿前班及臣僚 使入見改為大起居定制以宋使列於三品班高麗夏 高麗朝辭之賜則遣使就賜於會同館惟宋使之賜則 其朝解則夏使先禮畢而高麗使入禮畢而宋使入夏 列於五品班皇統二年六月定臣使辭見臣僚服色拜 起居引宰執升殿餘臣分班畢乃合行人見及朝解 '躬喝各好去引右出次引宰執下殿禮畢熙宗時夏

鼓定匹库全書

表三十八

友已四車七号 使皆無此禮而小國獨有之不可遂命罷之六年詔 避之更為翌日復周正月十七日受外國賀令聖誕節 時右丞相襄言伏見熙宗聖誕七月七日以景宗忌長 國使初見朝解則於左掖門出入朝賀賜宴則由應天 有違失遂令宋使先辭靈幄然後詣仁政殿朝辭授書 **乐使朝辭太常寺言若不面授書及傳達語言恐後別** 門東偏門出入大定二十九年三月章宗以在諒閣免 · 全

庭授售高麗使至閱旨有私進禮大定五年上以宋夏

萬里渡越江河尚不避霖涤如期而至今久與宋好不 璋等言帝王當示信以雨潦路阻輒改之或恐失信 若依期命外方人使過界恐為雨潦所滯設能到闕或 我口戶 宋帝生日亦五月也是時都在會寧上國遣使賜生 聖節定宋人過界之期平章政事張汝霖祭知政事 值陰雨亦難行禮乞以正月十一日或三月十五日為 縱使雨水愆期而入見猶勝更用他日也御史大夫唐 可以小阻示以不實彼若過界多作程順亦不至留 A E

在館宴矣有司奏曰曲宴之禮舊矣彼方酒一行食 **彼例可乎且向者人使見辭殿上亦嘗有酒禮令已移** 年正月上前旨有司曰比聞宋國花宴殿上不設餚俱 亦皆言不可上初從之既而竟用襄議合有司移報使 上必相須成禮而國朝之例酒既罷而食始進至有食 至其歌時乃備於廊下今花宴上賜食甚為拘束若依 明知聖誕之實特改其日以示優待行人之意承安三 古貢中丞李宴刑部尚書兼右諫議大夫完顏居貞等

と己口事とち

金史

以兄弟之國成和十月遣禮部尚書鄂屯良弼大理鄉 貞祐之初小有侵掠以至構難十年兩國俱敞至是始 蓋夏人自天會議和臣屬於金八十餘年無兵革事及 議定以兄事金各用本國年號定擬使者見解儀注云 今遽更之恐遠人有疑失朝廷寵待臣子之意乃命止 而無酒各因其舊不必相同古者宴禮設食以示慈惠 如舊正大元年十月夏國遣使修好二年九月夏國和

多页四月

白量

宴日宋使至客省幕次有酒禮而我使至其幕則有食

STEP TO THE COLOR 宴將至京遣内侍一人以油絹複韜三銀盒貯湯藥二 次始至京兆行省翌日賜宴至河南行省亦然謂之來 新定夏使儀注夏國使副及參議各一謂之使都管三 費摩欽甫侍御史烏克遜弘毅為報成使三年十月夏 差接件使與書表人近於境入界則先具驛程腰宿之 上節中節各五下節二十四謂之三節人從報至行省 殷各停使聘四年遣王立之來聘未復命而夏亡 人告哀遣中大夫完顏履信為吊祭使夏人以兵事方

金月口 十六品逆於近境尉氏縣賜之至恩華館養名燕賓 名更衣由宜照門入預差館件使副使二員書表四人 幕次對行上廳欄子外館伴在北對立先接伴揖次來 節人互相參見畢乃請館伴接伴人使副各公服齊出 儀亦然次以館伴所書表見又使館伴所牽攏官與下 副都管上中節人從以次見館件使接件使初相見之 廳先以館伴使名街付之而使者亦以其街呈然後使 牽擺官三十人以俟來使三節人從至會同館謂之聚

人巴口巨人等 **果傻位來使再拜舞蹈三拜復位立來使與天使各展** 對立請來使副升拜存望闕立次請天使升拜褥稍前 館伴初見之儀館伴與天使來使副各公服齊行至位 立來使副鞠躬天使言有勅乃再拜鞠躬天使口宣辭 再揖通揖分位是日皇帝遣使撫問天使至館轉街如 伴在南對立光館伴揖次展接件解狀相别揖各傳示 先湯次酒三盡置果般茶罷執笏近前齊起欄子外館 使副與館件互展狀揖各傳示再揖各就位請收笏坐 金史 -468

前将笏受之出笏復位來使就拜退復對立來使令人 使對行上廳各赴椅子立通揖請收笏坐湯酒報茶並 多月口月月日 狀相見揖次館伴使來使令人傳示請館伴天使與來 次館件揖各請分位是後每旦暮傳示并牽擺官聲喏 升褥位進表謝撫問再拜副使平立使跪奉表天使近 傳示館伴依例書送天使土物畢展天使辭狀相別揖 如前畢執笏近前齊請起至拜禄依前對立請來使副 如儀到館之明日遣使賜酒果天使初至轉街後望拜 基三十

湯茶罷館伴問副傅示使副來日入見例當習儀來使 ハーラミ 盘先揖飲酒再拜退三盛果茶罷執笏近前亦起欄 副 傳宣皆如撫問之儀使副單跪以酒果過其側拜舞蹈 使土物皆如撫問使禮押酒果軍亦有土物之贈乃命 如 門副便至館習儀初轉街前後皆如館伴相見之儀 南為上對立以來日入見故但揖而不展解状分位 回傳示習儀畢第二盛後當面勘習儀承受人酒 人儀上廳湯酒茶畢詣拜棒位跪追謝賜酒果表贈天 1 to 金史

送土物於引進使及交進物軍員人等閣門副及習儀 乃以入見膀子付閣門持去以付禮進司來使副以書 至左掖門外五百步館伴沒使副乃左右易位而行揖 官兩聲喏次館件牽機官亦然齊揖各傳示再揖請行 上奉書在使前至中門外以外為上對立先來使牽機 攏官喝排馬來使牽擺官喝牽馬各上馬張蓋都管馬 從皆裏帶館件與來使副各公服齊請赴馬臺館伴牽 承受人各贈土物第三日入見其日質明都管三節人

銀定四庫全書

揖請赴位立再揖請收笏坐先湯次酒三盛各有果報 盛再揖退引館俾來使入客省幕內為上對立揖畢請 前館件所書表在上立齊揖乃入幕先館件所書表傳 示次來使書表傳示依前欄子外立先揖當面勸酒 省命二人傳示館件與來使各令人回傳示至客省幕 同是儀來使人從持物者不得人門牽攏官權收之客 **畢去門百步去傘下馬出笏對行凡後入稱貨曲宴皆** 分位立光館伴揖次展客省起居狀揖各傳示再揖通 兔史

第二盛酒畢客省乃傳示來使請都管上中節勸酒 後随左上露臺殿簷柱外奉書單跪舞成於丹閣使接 再揖引退第三盈酒果茶罷執笏近前齊起蘇次前立 傳示畢引都管上中節於幕次前增下排立先揖飲酒 書揖畢對行至三門外與引揖問副揖使奉書副出笏 分班退閣使奏來使見膀子乃先請館伴入班俟閤 /揖畢各歸本幕次俟殿上小起居畢室執升殿餘臣 引乃請客省與來使副對立於幕前外為上使者奉 回

銀定匹库全書

表三十八

書使副就拜立閣使右入欄子内奏封全轉讀畢故事 前雙跪皇帝遣入勞問復位謝恩舞蹈五拜再揖使副 北向立以禮物右入左出盡揖使副傍折通班再引至 弟大夏皇帝致問兄大金皇帝聖躬萬福再拜與復位 ノいしらんに 丹墀舞蹈五拜不出班代奏聖躬萬福畢再拜引使副 弟大夏皇帝聖躬萬福拜復位立齊退左下階至丹墀 皇帝乃宣問夏皇帝使副鞠躬受旨畢引使少前跪奏 前列使副入殿欄子內揖使副鞠躬再拜引少前跪奏 金史

出班謝面天顏復位舞蹈五拜再揖閣副鞠躬引使出 次前對揖各歸幕次引都管上中節左入丹墀立下節 候引右出至三門階下與問副揖别與客省同行至慕 班謝遠差接件兼賜湯藥諸物復位舞蹈五拜喝各祗 臨起呼萬萬歲喝各祗候平立引右出乃賜使者衣拜 於門外陷下立蘇鞠躬通名先再拜不出班奏聖躬萬 舞皆如賜酒果之儀畢使者與天使對立次請都管三 福再拜下節鞠躬聲喏初一 拜呼萬歲次一拜呼萬歲

銀定四月全書

卷三十八

節人從望闕立天使稍前立都管人從鞠躬天使傳動 墀謝賜衣物再拜舞蹈三拜鞠躬賛有勅賜酒食舞蹈 儀乃再引入賜以酒食閤門招客省皆如入見儀至丹 五拜喝各祗侯引右出如前儀歸幕乃請出館伴與使 く、うき 易位而行揖果各收笏上馬至館又左右易位入門 副幕前對立揖各傳示再掛請行至元下馬所復左右 謝如使儀就拜畢謝恩再拜下節鞠躬聲喏如入見 上對立先來使牽擺官次館件牽擺官各聲陪再 1.1.1

卣 請押伴館件上褥位望關拜謝坐再拜舞蹈三拜起先 揖畢請分位乃以押件使賜宴於節押件至館轉名街 狀來使副先令人報上聞押件回傳示再揖請押件 回畢與館伴來使公服齊詣褥位對立押件稍前立先 端笏坐湯八乃於拜席上 入於車前椅位立館伴與使副對揖各就位立通揖請 上乃與館件對行上廳押件在副階上與使副展於 押伴上副陽上立乃引使副上褥位望關亦謝坐儀 **工排立都管人從湯盛出揖起**

舒定四库全書

†

蓋下酒畢茶入都管人從於拜席上排立待茶罷揖 儀呼萬歲畢喝押件及使副皆就坐引三都管上中節 押伴等離位立都管人從鞠躬拜下節人聲喏如入見 伴等起離位立都管人從鞠躬喝謝恩拜下節聲喝 示來使面勸都管上中節酒一盞來使答上聞以都管 分左右上廳南入北為上下節在西廊下立候押件等 上中節於副階下排立先揖飲傳台旨勸再揖退至五 初盡果樂聲盡坐至三盛下食畢四益下酒果押件 金史

金炭匹 賜宴天使轉街如前儀各公服請館伴天使與來使就 就褥位謝恩再拜舞蹈三拜復位乃請押伴館伴就棒 位謝如上儀復位第四日命押宴官賜宴官就館宴先 棒位對立先請使副就褥位望闕立次請賜宴天使就 存位稍前使副鞠躬天使傅宣使副拜謝皆如前儀使 上儀就位立請 伴依例請賜宴天使茶酒館作暫歸幕來使副與天使 與天使互展狀起居揖次館件揖使副令人傳示 库全書 7 押件等齊下聽赴拜褥對立先請使 表三十 副 館

笏鞠躬三舞蹈跪左膝三叩頭出笏就拜興再拜復位 對立請押宴上廳次請來使副詣存位謝坐再拜舞 宴使至褥位立次請館伴齊就褥位望闕再拜平身搢 酒三盛果教茶罷執笏近前請起賜宴天使暗退請 位立通揖請端笏坐以御宴不敢用點床湯入都管三 主賓對行上聽於西間內各指椅位揖收笏坐先湯次 拜請分陷升聽欄子外內為上對立先館件揖次互 押宴起居狀相見揖各傳示再揖通揖請就位指椅) . . 金史

飲定四庫全書 節人從於拜席上排立湯盡出押宴離位立揖都管人 盡坐至五盛後食六盛七盛雜劇八盛下酒畢押宴傳 從鞠躬下節人從聲喏呼萬歲如入見儀喝各就坐請 至九盏下酒畢教坊退乃請賜宴天使於幕次前候茶 引都管上中節於欄子外階下排立先揖飲酒再揖退 押宴等坐引都管上中節分左右上廳北入南為上立 示使副依例請都管上中節當面勸酒使者答上聞復 下節於西廊下南入北為上立候押宴等初盛果樂聲

前指笏受表出笏復位使就拜退復位立使副上開依 等離位立揖都管人從鞠躬喝謝恩拜下節聲喏呼萬 例書送天使土物領畢天使即以物報之然後展天使 再拜舞蹈三拜畢依位立請押宴館件齊指褥位謝恩 **歲如入見儀齊鞠躬喝各祗候請押宴等官齊出分階** 來使乃進謝御宴表光再拜平身立使跪奉表天使近 下廳與天使對行至拜褥前立請使副就位望闕謝恩 入乃於拜席排立都管三節人從茶盞出揖起押宴官 1) į

幕次對立皆如入見儀至收笏坐先湯次酒三盞畢客 辭狀再揖次館件揖通揖請分位是日來使於宴下監 對立通揖分位各歸幕次候問門招引時請客省與使 省傳示來使解曰請都管上中節當面勸酒回傳示畢 副幕次前外為上對立揖對行至門外階下與引揖問 退至三盏酒母茶罷出笏近前齊請出幕次前外為上 引都管上中節於幕次前階下排立先揖飲酒再揖引 酒等官及教坊人等皆有所贈第五日稱賀比至客省

欽定匹庫全書

表三十八

僚先再拜平身猾笏鞠躬三舞蹈跪左滕三叩頭出笏 拜又再拜下節奉咕呼萬歲如前後喝各祗候畢平立 햣 立次引都管上中節左入至丹墀立下節門外階下排 就拜與再拜平立俟進酒致辭畢再拜宣徵使稱有制 副揖引使副左入與臣僚合班至丹墀北嚮立定問臣 · / Till ///-再拜合班义再拜上殿夏使副在御座右第二行北端 又再拜宣答畢先再拜舞蹈平立分班俟皇帝舉酒時 一齊鞠躬通名畢先再拜鞠躬不出班奏聖躬萬福喝 金更

語聞鼓笛時揖臣使皆立俟口號絕臣使再拜坐次人 第三盞傅宣立飲果再拜復坐次人從如前果坐侯致 復坐次人從鞠躬聲喏再拜呼萬成之儀如前皆坐至 待床入進酒皇帝飲酒持上下侍立皆再拜俟進酒官 **畢先引出臣使起再拜退至丹墀合班謝宴再拜舞蹈** 至位合坐官再拜皆坐即行臣使酒普傅宣立飲再拜 再鞠躬喝賜酒食聲喏再拜呼萬歲如前儀引左廊立 如前儀復坐次至五盡將曲終人從立再拜如前儀

欽定匹庫全書

次足四東 全等 幕次少項請館件與使副出幕次外為上對立先揖各 三拜喝各祗候引出至三門階下與問門副使揖別與 日支押分食酒果軍士物并在館隨局分官員承應人 分食井賜酒果禮天使至館與第二日賜酒果禮同是 客省同行至幕次前對立先揖各傳示再掛請分位就 上馬至館聲咕相揖分位與初入見還禮同第六日賜 傳示再揖引行至元下馬處請左右易位對立揖收笏 一物凡裏外門將軍監厨直長館都監監酒食官承應 金史 +

皆差書表以從凡行省來宴回宴之押宴官皆從行省 至則差接件使至則差館件使去則差送件使皆有副 畢第九日聚廳送至恩華館更衣而行凡使將至界報 闕致詞復位再拜喝各好去引右出次引宰執下殿禮 再拜不出班奏聖躬萬福又再拜揖使副鞠躬出班戀 閣使先奏來使解膀子引使者左入傍折通班至丹墀 第七日曲宴禮如前儀第八日奉醉之儀至小起居畢 班祗候衆厨子館子巡護軍館伴所牽攏官皆溥及之 Da 100 /11 奉飲直長一長行二奉珍二儀鸞直長一長行十把内 總領提控官酒食官監厨稱內官各一牽攏官三十尚 食局直長知書都管接手湯藥直長長行各一厨子五 所差者館伴使副各一監察奉職省令史各一書表四 省以翰林院定撰焉夏使至或許貿易於市二日使至 之賜宴天使皆以問門祗候往詔書口宣皆禀命於都 定差就借以文武高爵長官之職以為轉街之光來回 門官二館外巡防軍三十把館甲軍六十二雜役軍 金里

貂裘二無則使者代以銀三錠副代以帛六十疋後削 副各三對人從衣各二對使副幣帛百四十段舊又賜 六十過位不通漢語軍十凡雜役皆衣皂過食司吏八 之惟生餼則代以綾羅三十九疋帛六十二疋布四疋 四尺後止備八疋押馬官一員又差說儀承受禮直官 金页四周全重 員凡在館鋪陳繳絡器四什物户部差官與東上直 街市厨子四十方脉雜科醫各一醫獸一鞍馬二十 同點檢所經橋道皆先期命工部修治之凡賜衣使

というらいた 高麗使之物其數則無所考 朝辭賜人從銀二百三十五兩絹二百三十五疋賜宋 **畏書匣問金塗銀裝釘黑油詔匣及包書詔匣復各** 二金鍍銀東帶三金塗銀開裝鞍轡三金塗銀渾

金好四月全書 金史卷三十八 表三十八

欽定四庫

全書史部

金史卷三十九至

内閣中書上李彤優勘 群校官國子監祭酒 覺殿吉善

我對官學銀日常 循 題校官舉 人日章雅極 磨銀監 生日張彭於

? 1月月八十月 藤野日 付付付品の 合人神和上下舍禮樂 樂然而未盡其美也及 |帝三王之彌文哉 鼓吹樂 克托等修 皇統元年熙宗如尊號始就用乐樂有司以鐘磬刻晟 樂有本國舊音世宗嘗寫其意度為雅曲史錄其 雅樂凡大祀中祀天子受冊實御樓肆赦受外國使賀 俚者弗戴云 郊廟祀享大宴大朝會宮縣二舞是也隸教坊者則有 則用之初大宗取汴得宋之儀章鐘磬樂廣挈之以 鏡歌鼓吹天子行幸鹵簿導引之樂也有散樂有渤 **坐大定明昌之際日修月葺粲然大備其隸太常者卽** 海 Ħ

金月四月十十

卷三十九

宜皆刮去更為製名於是命禮部學士院太常寺撰名 字者犯太宗諱皆以黄紙封之大定十四年太常始議 制始備明昌五年詔用唐宋故事置所講議禮樂有司 歴代之樂各自為名今郊廟社稷所用宋樂器犯廟諱 乃取大樂與天地同和之義名之曰大和文武二舞皇 ノイしまべる 同之舞大定十一年又有四海會同之舞於是一代之 舞貞元儀义改文舞曰保大定功之舞武舞曰萬國來 統年間定文舞曰仁豐道治之舞武舞曰功成治定之 金史

多灰四月五十 謂雅樂自周漢以來止存大法魏晉而後更造律度訖 無定論至後周保定中得古玉斗於地中以造尺律其 後牛弘以為不可止用蘇綽鐵尺至隋亦用之唐與因 望泉石尺重造十二管取聲下王朴 朴所制樂時和峴以周顯德律音近哀思乃依西京 周顯德以泰定律議者謂此唐樂高五律宋初亦用王 周法鑄鎮鐘編鐘處士蕭承訓等校石磬合而奏之至 隋縣不改及黃巢之亂樂縣散失太常博士殷盈孫 律景祐初李照 銅

常 鐘磬即今所用樂是也然以王朴所削聲高屢命改作 取黍累尺成律以其聲猶高更用太府布帛尺遂下 くってる シュー 李照以太府尺制律人習舊聽疑於太重其後范鎭等 知售樂之高無法以下之乃以時君指節為尺其所造 新律下李照樂一律而未用至崇寧問魏漢津以范鎮 **弇鬱不和依舊用王朴樂元豐間楊傑來用李班鐘磬** 加 樂三律皇祐中阮逸胡瑗改造上下一律或謂其聲 四清聲下王朴樂二律以為新樂元祐問范鎮又造 Ę

清濁高下皆適中非由於法數之外私意妄為者也蓋 矣漢津用李照范鎮之説而耻同之故用時君指節為 以為近古合宜者也今取見有樂以唐初開元錢校其 樂律聲調和平無太高太下之失可以久用唯長鐘辰 今之鐘磬雖崇寧之所製亦周隋唐之樂也閱今所用 尺使聚人不敢輕議其尺雖為說說其制乃與古同而 分寸亦同則漢津所用指尺殆與周隋唐所用之尺同 論樂復用李照所用太府尺即周隋所用鐵尺牛弘等

多好四月全書

卷三十九

钦定四車全書 |二十四篇上曰嘗觀宋人論樂以為律主於人聲不當 磬自昔數缺宜補鑄辰鐘十五辰磬二十一通舊名為 于汴貞祐南遷宣宗修之以科諸帝神主其地故宗景 靈官之趾也掘其下得編鐘十三編罄八背刻大晟字 以其半少为擇其皆者而用之初正隆間海陵管太朝 泥於其器要之在聲和而已於是命禮部符下南京取 律無射高二律别鑄以補之乃協又琢辰罄各十有 二 宋舊工更鑄辰鐘十有二又以舊鐘姑洗夷則皆高

魔又按周禮太 司樂凡樂團鐘 為官黃鐘為角太簇為 時朝廷多故禮器散亡竟亦不能備也大定十一年太 **徴姑洗為羽雷鼓雷對孤竹之管雲和之瑟雲門之舞** 郊丘則二十廣宜用官縣二十架登歌編鐘編磬各 十六架五禮新儀用四十八架其數多似乎太侈令擬 常議按唐會要舊制南北郊宫縣用二十架周漢魏晉 太常因革禮天子宫縣之樂三十六廣宗廟與殿庭同 朱齊六朝及唐開元宋開實禮其數皆同宋會要用三 卷三十九

5 12

人ノニア

くするくこ 定樂曲以寧為名今止有太廟拾享樂曲而郊祀樂的 天神皆降可得而禮也樂曲之名唐以和宋以安本朝 未備皇統九年拜天用乾寧之曲今圍丘降神固可就 少陰而止園鐘自卯至申其數有六故大變而樂止則 做羽各一奏合陽之 奇數欲神聽之也凡樂起於陽至 冬至日至地上之園丘奏之若樂六變則天神皆降可 為官者以上應房心有天帝明堂之象也官聲三奏角 得而禮矣六變謂六成也唐宋因之蓋圓鐘夾鐘也用

入中境同餘載儀注及樂章又命太常議文武二舞所 寧之曲飲福奏福寧之由升降望原出入大小次並與 昊天上帝奏洪寧之曲皇地祇奏坤寧之曲配位奏永 迎 撰焉皇帝入中遗奏昌寧之曲降神送神奏乾寧之 開寶禮亦可就用餘有郊祀曲名皇帝入中遠真玉幣 寧之曲酌獻舞出入奏肅寧之曲飲福奏福寧之由宋 用令太廟給享皇帝升降行止奏昌寧之曲迎祖奏豐 俎酌獻舞出入樂曲宜皆以寧字製名遂命學士院

我定匹庫 全書

卷三十九

大尺日本 全書 當先後太常議按唐宋郊廟之禮並先文後武本朝自 昌寧之曲迎神送神奏來寧之曲九成天德二年晨裸 讓得天下則先奏文以征伐得天下則先奏武當時雖 行稀給之禮亦然惟唐章萬石建議謂光儒相傅以揖 畢還小次方奏迎神曲大定十一 宗廟皇帝入門宮縣以無射宮升殿登歌以夾鐘皆奏 從再復改之其以開元禮先文後武為定方丘如園丘 之儀社稷則用登歌 金文 一年朝享奏依開元開

及亞終獻皆奏無射官肅寧之曲飲福登歌奏夾鐘宮 宗曰大同睿宗曰大和船德皇后廟曰儀坤世宗曰 穆宗曰大章康宗曰大康太祖曰大定太宗曰大惠熙 船 釣顯宗曰大寧章宗曰大隆宣宗曰大慶皇帝還版位 羽 實禮至版位即奏黃鐘官三大呂角二太簇徵二應鐘 元之曲諸室之曲德帝曰大熙安帝曰大安獻帝曰大 걔 二曲詞皆同進組奏豐寧之曲酌獻宮縣奏無射大 祖曰大成景祖曰大昌世祖曰大武肅宗曰大明

金贝巴尼

卷三十

というしいこう 福寧之曲徹豆奏豐寧之曲皆用無射官大定十二年 代九十六人之數尚書省議古樂工無定數遂奏太廟 十八人擬令皇考廟舊樂工皆充兩廟堂上樂以應前 聖德皇后宣孝太子所用並載儀注樂章舊制太朝皇 制袷梳時享有司攝事初獻盥洗奏無射官肅寧之曲 以為宋之太廟別廟堂上樂各四十八人今之樂工少 考廟樂工各三十九人大定二十九年升祔顯宗有司 升階登歌奏夾鐘官嘉寧之曲餘並與親享同其別廟

金斤四届全書 官縣樂工月給錢栗二貫石遇正樂工開驗色收補 禮乃始用之若其數復闕但前期遣漢人教坊及大與 海教坊兼習而又創設九十二人且宫縣之樂預行大 别廟通以百人為定明昌六年粉設官縣樂工一百五 年尚書省奏宮縣樂工總用二百五十六人而舊所設 今召百姓 材美者給以食直教閱以待用泰和元年命 止百人時或用之即以貼部教坊閱習自明昌間以渤 十六人承安三年粉祭廟用教坊奏古樂非禮也其自 卷三十九

欠已日華公書 帝王之前遂止 容至自汴京奉安於乾元寺左宣檄使温都七十五奏 門外百官奉迎宮縣奏采茨以樂廣未備遂止用教坊 帝主於 汴京太廟禮官言 初享禮 車 無還宮至承天 府樂人習之亦可備用遂站罷創設者宣宗南遷祈諸 用之權左右司員外郎王獨奏曰世俗之樂豈可施于 當用樂上日樂須太常奈何七十五日市有優樂可假 樂哀宗遷蔡天興二年七月丁已太祖太宗及后妃御

餘勉一 十荒十笛十埙八 鐘玉磬攝祭則用編鐘編磬宮縣樂三十六廣編鐘十 **完二笛二集至二和笙二簫二七星勉一** 樂舞名數太廟登歌鐘 金历 巴匠 台雪 二廣編磬十二歲大鐘搏鐘特磬各四簴建皷應皷鞞 七弦琴九弦琴各二瑟四别廟登歌並同親祠則用金 **戴各四路皷二路鼗二晉皷**一 一搏拊二柷一敔 「紋琴三三粒五紋七紋九紋琴各 一麾一 **鮮** 果笙竽笙各十篇十篇 弦琴三弦琴五弦琴 **廣歌工四篇二**塤 九耀匏 閏

7/2 / 1/2 / / / / / 皇帝受刑實前期大樂令與物律郎設樂縣於殿廷又 **敢各一麾一登歌及二舞引舞所執與親祠同** 笛各一 舞所執朱干玉戚各六十四引舞所執旌二纛二牙杖 六瑟十二祝一敢一座一文舞所執為翟各六十四武 二單發二單鐸二雙鐸二金鏡二金鎮二金紅二相鼓 雅戴二有司攝祭宮縣二十廣編鐘四編蔡四辰鐘 二建飲四路鼓四路發二晉數一巢笙等笙簫均差 **雄琴三三越五越七越九越琴各六瑟八** 金史 机

多页四月 全書 縣之左至日金鷄初立大樂署擊皷立花皷止侍中奏 設舉壓位二一於殿西階一於樂縣西北又設登歌樂 御樓宣赦前期大樂署設宮縣於樓下又設號一於宮 寶記樂作侍中奏稱賀樂作皇帝升殿登歌樂作復位 至位立定樂止寶初行樂作至御前置此樂止皇帝受 樂止奉實入門樂作置禄位上樂止初引時官縣樂作 祭於殿上至日侍中奏外辦官縣樂作皇帝乃出即坐 止侍中奏禮畢官縣樂作皇帝還兼次樂止

例所有教坊人員只宜聽候宣喚不合同百察赴起居 散樂元日聖誕稱賀曲宴外國使則我坊奏之其樂器 帝乃出宣讀記百官舞蹈禮畢大樂合撞殺廣之鐘左 名曲不傳皇統二年零臣奏自古並無伶人赴朝余之 子太孫受外國使賀宴外國使皆用宫縣 降及分班合班皆樂作坐立定乃止其冊命中宫皇太 五鐘皆應昌寧之樂作皇帝降座樂止凡皇帝出入升 外辦大樂令撞黃鐘之鐘右五鐘皆應昌軍之樂作皇

大正可取と言

定十 金灯でたとう 而巴 皷吹樂馬上樂也天子鼓吹横吹各有前後部部人各 從之章宗明昌二年十 帝王為戲及稱萬歲者以不應為事重法科泰和初有 分二節金初用遼故物其後雜用宋儀海陵遷庶及大 司又奏太常工人數少即以渤海漢人教坊及大與府 人兼習以備用 年鹵簿皆分鼓吹為四節其他行幸惟用兩部 月甲寅禁伶人不得以歷代

前部第一	 	拱辰管二十四	鏡皷一十二	大皷百二十	 	鼓吹令二人	前部第一
+		大横吹一百二十	新二十四	歌二十四	長鳴百二十	金鉦十二	

金月口是一台言 後部第 節鼓二 枫鼓十二 **新二十四** 拱辰管二十四 笳二十四 羽葆戴十二 小皷百二十 金鉦十二 笛二十四 蒲二十四 歌二十四 中鳴百二十 桃皮篳篥二十四 華第二十四

少是四車全書 一一金	新二十四	鏡皷十二	笳二十四	拱辰管二十四	羽葆皷十二	 桐皷三	皷吹丞二人
+:[笳二十四	歌十六	節	簫二十四	歌二十四	金紅三	

PACALLE CONTRACT

與鄉等共之不亦樂乎辭律不傳十三年四月乙亥, 世宗大定九年十一月庚申皇太子生日上宴于東宫 命奏新聲謂大臣曰朕製此曲名君臣樂今天下無事 本朝樂曲 後部第二 篳篥二十四 笛二十四 桃皮篳篥二十四 漏二十四 笳二十四

時宗室婦女起舞進酒畢奉臣故老起舞上曰吾來故 散飲擊筑而歌令諸兒和之彼起布衣尚且如是况我 所行之事未嘗暫忘故時聽此詞亦欲令汝輩知女直 祖宗世有此土今天下一統联巡幸至此何不樂飲干 御客思殿命歌者歌女直詞顧謂皇太子曰朕思先朝 日甚欲成醉此樂不易得也昔漢高祖過故鄉與父老 年四月幸上京宴宗室於皇武殿飲酒樂上輸之曰今 醇貨之風至於文字語言或不通晚是忘本也二十五

欠日打臣 江

是諸老人更歌本曲如私家相會暢然歡治上復續 前吾為汝歌乃命宗室子級坐殿下者皆上殿面聽 歌曲留坐一 數行右丞相元忠暨羣臣宗戚捧寫上壽旨稱萬歲於 歌曲道祖宗創業艱難及所以繼述之意上既自歌至 鄉數月矣今迴期已近未嘗有一人歌本曲者汝曹來 :想祖宗音容如親之語悲感不復能成聲歌畢泣下 绮熙我祖聖矣武元 誕膺明命功光于天拯溺救 更極數而罷其解曰 卷三十九

金万四周至書

くうしら 贍戀慨想祖宗舊字屬屬音容宛然如睹童塘孺慕 皆非初始雖非初始朕自樂此雖非昔時朕無異視 屬兹來游惻然予思風物減耗殆非昔時于鄉干里 懷保安經國家閒暇廓然無事乃看上都與帝之第 勉副樂推肆予嗣緒二十四年兢業萬幾億兆無姓 淪胥且墜望戴所歸不謀同意宗廟至重人心難拒 反易天道茶毒海內自昔肇基至于繼體積累之業 深根固帶克開我後傳福萬世無何海陵淫昏多罪 1.1. 金史 古

多好四月五十十 皇帝入中境官縣黃鐘宫昌寧之曲此月步 降神宫縣乾寧之曲仁豐道治之舞圓鐘為宮黃鐘為 郊祀樂歌 角太簇為假姑洗為羽圓鐘三奏黄鐘太簇姑洗皆 歷歷其處肚歲經行恍然如故舊年從游依稀如昨 馨香維德爰暨百神於昭受職 我服移移臨于中城膽言圍壇皇皇后帝禮 化學稱 歡誠與潤日暮之若干嗟潤別兮云胡不樂

奏詞並同 皇帝升壇登歌大呂宮昌寧之曲 皇帝盥洗宫縣黃鐘宫昌寧之曲 Je Total Little 我金之典皇天錫美惟神之休爰兹郊見有玉其禮 有牲其薦将受厥明來寧來燕 因天事天悼宗将禮爰飭攸司奉時罍洗挹彼注兹 **通升壇陸先事而废神勞豈弟** 相在國南崇崇其趾烝哉皇王維時涖止至誠通神 金更 j

金页四月至言 皇地祇坤寧之曲 昊天上帝奠玉幣登歌大呂宫洪寧之曲 配位太祖皇帝永寧之曲 成秩厥位維皇能繁允 馨非恭稷高明降監百神受職 肃战明祇躬行奠對其對維何黃琮制幣從祀羣靈 移移君王有嚴有異珮環鏘然圓壇是除嘉德升聞 相在國南崇崇其趾烝哉皇王維時沒止 集熙事

昊天上帝的獻登歌大呂宮嘉寧之曲 くうし 司徒迎俎宮縣黃鐘宮豐寧之曲 物其嘉矣馨香始升明神燕喜 穆穆皇皇天子躬祀羣臣相之罔不敬止祖豆畢陳 歌以大吕綏我思成有秩斯枯 郊裡展敬昭事上靈太尊在席有配斯馨酌言獻之 靈其醉止福禄來宜以答明祀 東明裡皇天后土皇祖武爰爰作神主功昭耆定 115

文舞退武舞進宮縣黃鍾宮咸寧之曲 皇地祇泰寧之曲 配位太祖皇帝燕寧之曲 孔肅其儀來寧來燕福禄綏之 斟言薦潔方與常安扶我帝業 烝哉高后肇 地不基功與天合配天以推薦 時清古 **衮服穆穆臨被泰折於昭神宮埋幣極血爰稱匏** 奉祀郊丘雲門變舞進秉朱干停揮翟羽於昭睿文

徹豆登歌大呂宮豐寧之曲 亞終献宮縣黃鐘宮咸寧之曲功成治定之舞 皇帝飲福登歌大吕宫福寧之曲 復肖聖武無疆維烈天子受枯 馨香薦德惠我無疆子孫千億 所以承天無過乎質天其祐之惟精惟 禄地南郊天神以埃於皇君在克種克祀交於神明 **玄酒陶器誠心靖純非貴食味** ブラー ニュー

多定匹库全書 送神宫縣園鐘宮乾寧之曲 方丘樂歌 南吕羽再奏詞同 赫赫上帝臨監禋祀居然來散昭答祖配圓壇四成 ·神鎮寧之曲林鐘宮再奏太簇角再奏姑洗徵再奏 馨聞在德明裡斯成孚休罔極 神安其位升歌赞送天人悦喜 大禮爰陳為豆孔碩肅肅其容於顯百碎皇靈降監 卷三十九

初獻盥洗太簇宮肅寧之曲 初献升壇應鐘宮肅寧之曲 無疆之德至哉坤元沉潜則克資生實蕃方丘之 成献升壇應之純椒來散愷悌 禮有五經無先祭禮即時伸虔惟時盥洗品物吉蠲 至哉坤儀萬彙資生稱物平施流謙變盈禮修泰折 惟敬無文神其來思時散薦殷 祭極精誠皇皇靈騰永真寰瀛 TIL CILI 食史

初獻奠玉幣太簇宮億寧之曲 **ፊ定匹库 全書** 司徒棒姐太簇宮豐寧之山 正位酌獻太簇宫溥寧之曲 禮行方澤文物備舉惟皇地祗昭假來下奠茲玉帛 統誠内著神保是享陟降斯祜 孔嘉且碩神其福之如幾如式 四階秩儀壇於方澤昭事皇祇即陰以焼潔肆於初 德物無不載柔順利貞含洪光大邁豆既陳

配位酌獻 亞終蘇升壇太簇宮寧之曲 く、する 徹豆應鐘宮豐寧之山 修理方丘吉蠲是宜遵豆静嘉登於有司芬芬馨香 柔祗感格 金石斯在四海永寧福禄位介 早彼嘉壇奠玉方澤百辟祇肅八音純繹祀事孔 ノニトラ 京也太簇宮保寧之曲詞関 金史 明

金片四月 全書 **請望嫁位太簇宮肅寧之曲詞同升壇** 神贶昭垂億萬斯年永祐丕基 因地方丘濟濟多儀樂成八變靈祗格思薦餘徹 史卷三十九 林鐘宮鎭寧之曲